

罪
惟
錄

罪惟錄列傳卷之四

諸王列傳總論

漢非劉不王。懲於七國之自王。明祖是意。生而王為同姓。其非同姓。迨封則有之。揚、徐、隴、西、滁、陽、四王。開國六王。外和光中。迨贈麗江、寧陵二王。靖難則東平、河間。南征則定遠、太平。則平隕之興。邊功則寧陽、定襄、宣平。北拒則中、和。共贈王爵二十有一人。其生封是授者。忠勇一人耳。若同姓王。太祖以下獨繁。合諸廟不能埒。而後世之倖。欲王建庶人之後。此德不化。而卒無或王者。按英廟之釋高牆。不恩乎庶人之有後也。弘治中。台人繆恭走闕請封建庶人。後

奉祀懿文皇太子。豈漫無所指。而作此悻人之言。奉
 行而求其指名不得。恭之坐欺。罪當不赦。要之庶人。非無
 後。亦自不敢有其後。或異其姓。或故夭之。情勢所必然耳。
 然諸王之傳。以疑而將軍者有之。以疑而郡王者有之。未
 已也。以疑而王者有之。蓋勢尊則重言之。例定則不終言
 之。重言之。誰執其咎。不終言之。繁言而止。蓋不終言之者
 屢矣。洪武初。酷欲強之。求樂後。不得不弱之。弱之以教
 則。禮義雍容。雖城攸賴。弱之以不教。苟於錫慶。雖才無所
 自勵。其不才不可言也。嗟乎。當張李流氣孔熾之日。即不
 得北平五軍。雄視南服。即如漢煦寧濠。有一於此。任其跳

盪或猶不失光武必烈大計而不可得也為扼腕移刺若
異姓無王而賜國姓也有王較之忠勇其於同異何居哉
至于鎖外異姓之寔封王者為秦為晉為蜀皆一字為漢
陽為延安為鞏昌為慶陽皆二字雖叛服不一而率身膺
之當此時猶以非姓不王之故艷是名願為奔走則又相
制之所不及料也矣獨是古封王以地國初諸封或不盡
然亦云王其地者天何又封國犯覆祖孫類如太祖初封吳
王惠宗弟允熲亦封吳王弟允瑩封衛王而惠宗第六子祐
禪亦封衛王太祖長兄封南昌王而寧王之後又有封南昌
者孔臣失攷亦為盛朝之累

卷之四

詩三首

其一

其二

其三

其四

其五

其六

其七

其八

異姓諸王列傳

潯陽在翼運中
隴西附益運中

揚王陳公

揚王陳公維揚人避地盱眙津里鎮為淳皇后父。洪武二年以皇外祖考封揚王。妣王氏為王夫人。建廟於太廟之東。詔歲遣大臣主祀。明年中都守臣上言陳公墓在盱眙。公少時扈宋蹕海島。舟破將沉。脫走陸。鼓瘡痍起。糧盡且死。夢神人戒勿食馬。明日衆饑果啖死馬。乃以夢故不從。獨活。旋又夢紫衣人以杖觸起。驚寤則身在艤中。會颶風。艤且覆。公僞叩齒揮神。衆須臾風息。衆感之。舉酒謝。且饋大魚。婦津里遂託巫術以活。生二女。季即淳皇后也。卒。

年九十有九。上曰。吾固聞之矣。立命中書省。改立揚王廟。於盱眙墓次。置洒掃戶三家。設祠祭署。有司歲以仲春秋祀。宋濂為文碑。神道長女適李。為王後。世主祀。

論曰。中都守臣奏中本之亂。守則揚王。無後明矣。然淳皇后果能後揚王。女良勝。男揚王。忠於宋。時辛苦海上。閱九十六年。女之子起代。宋者戮力中。憂揚王之教。然也。究竟揚為勝。爺失運。處陳公能揮神。不能為神奮。乙酉一臂子。

井上君公

卷之三十五
宋史卷之三十五
宋史卷之三十五

徐王馬公

徐王馬公為孝慈皇后父、宿州閔子鄉人、少事農、負殊力、疾仇閭里憚之、元末使氣殺人、亡命定遠、久之、江淮驛騷、饑困轉徙、淶陽王郭子興以定遠豪俠起稱雄、馬公與其媼鄭氏携季女依之、未幾公與鄭媼並棄世、嗣昆闕天不傳子興乃女其女會太祖入濠、屬子興麾下、積勞子興以女婦之、是曰孝慈皇后、洪武二年與楊王並立廟、太廟之東、繼以典禮無稽、始即公墓立廟、仲春秋有司致祭、設宿州祠祭署、以隣人武氏世為奉祠、守王墳、洒掃戶九十年、諭禮部尚書陶凱、粉飾帝諭為文碑之。

論曰帝諭礼部凱翁以愛女託諸好友郭子興又云子
興愛如己女顧帝喜行且為汝擇配夫馬公以宿州農
家走徼遠依濠長定以從我愛女之當為孝慈故頌
美居多按滁陽夫人張所云勿令定他人是以孝慈羈
留帝也吳出智算猶之以部卒遺息令朱公子有內顧
云耳。

蘇氏曰子興之妻未詳其姓名以古命字意入之正其姓名
亦止此不詳其姓名也又曰吳出智算猶之以部卒遺息令朱
公子有內顧云耳

同姓諸王列傳

壽春王為熙祖長子五一公、太祖世祖仲八公生三子德祖而外長六二公次十二公以親蓋不及封德祖為四廟第一長子四五公暨懿祖支子初二公初五公初十公咸以推恩不及惟壽春王為仁祖長兄封王伊始太祖皇伯父也壽春四子長封霍丘王次下蔡王次安豐王次蒙城王皆太祖從皇兄兵後相繼歿合計皇從兄以下王九人配皆封夫人霍丘一子封賢應王安豐四子長封六安王次來安王次都梁王次英山王皆太祖從皇姪下蔡蒙城

無後諸王再世俱不傳。獨蒙城王夫人田氏以節行稱。南
昌王係仁祖長子重四公名興隆。或云名鎮。太祖嫡兄也。
生二子。長大都督文正。不得封。其子守謙為靖江王。次
封山陽王。而眆眆王係仁祖次子重六公名興盛。或云名
鏗。而臨淮王係祖三子重七公名興祖。或云名釗。皆太祖
嫡皇兄眆眆一子。封招信王。臨淮與山陽招信並失傳。惟
靖江得世。追封皇姊二人。長太原公主。後加贈太原長公
主。所遺王七一為駙馬都尉。次孝親公主。其駙馬都尉思
親侯李貞。加封曹國公。孝親進南國長公主。貞亦贈隴西王。蘇欽
論曰。三代弗論。漢唐宗之起。皆有兄弟。即漢仲有若無。

而唐宋寔替運有成勞且代之元李諸雄鳳行輩最捷
擊而太祖骨肉零落悉委地下合計壽春以下皇從屬
九人皇嫡兄以下從子三人止大都替文正存而於是
義子從征代者頗衆即姝子猶曰朱文正也為六王之
一噫夫運去而義子存天哉

太祖二十三王齊王棣相王柏谷王德中婁子楠不封

秦愍王德王植俱入叛逆目錫蘭王誠承定王惟俾

尚史

秦愍王尚棣綱高皇帝第二子高皇后出或又曰李賢妃子洪

武三年受封國西安元妃故元河南王王保亡女弟保亡

屢為邊患上招之數四不降已而兵敗曰能以吾妹配皇

太子第送款上許之及內妹保亡復遁去上以賜秦王繼

妃寧河王愈女也上使耿炳文為王作宮亡无碧王以其

異帝制怒炳文上召王還方食擢髮縮於箸予以紅杖紅

搯一俾思之棣市人浙江上責長史等不戢悉誅之尋委

王以兵事得專行賞罰歲秋巡邊大將皆聽節制令整肅
秋毫無所犯二十七年率平寇將軍寧克正征降西番賜
璽賞資萬計明年薨在位二十六年冊謚有云夫何不良
竟殞厥身愍王六子長隱王尚炳嗣炳和厚廉素成祖初
即位使者以詔至炳屢不出迎亦不見使者上械長史與
以下賜王書曰昔齊桓拜胙遂以霸國晉侯惜玉見識無
後王勉之并責其弟永興王尚烈擅蓄楚人令王戒戢炳
卒循於禮子倍王志恒齷而能立温恭孝敬薨弟懷王志
均以渭南王進封妃張氏未婚而寡宣德中令入宮守服
王無子弟康王志潔以富平王進封潔好古強學坐罪辭

三護衛章皇帝選予一護衛。然亦教聽細人，誣奏都御史陳鏐凌辱官屬，箠死軍衛子惠。王公錫好文睦族，嘗開閣招延士大夫，以賢名諸藩。子簡王誠，冰哲德，歲身比於古人，折節士大夫，郡王以下望而畏之。好為詩，都御史雍泰罷居葦曲，冰出入溫泉。時從款接亡子，以從子秉機嗣，是為昭王。正德中，傳子定王惟焯，七事祖母至孝，每旦焚香望闕，為上祝壽，嘗請潼關以西，鳳翔以東河墾地，不許。以謹身修行聞，助太廟工黃金六十斤，白金六百斤，益歲祿二百石，玉幣一莞，無子，再從姪宣王懷塔嗣，塔善為宮詞，奏辭本祿千石，以給藩宗。勅獎，歷靖王敬鎔，敬王誼，深七

吳中集

卷

無嗣弟誼、速以紫陽王進封。按一世愍王五子，其支與平王秉、攬、正、德、中嘗為詩，壽太監劉瑾，上誅，籍得之，上大怒。內輔東陽廷和力解，乃不問。沂陽王誠、測以孝聞，居喪如古禮，喪夫人不再娶，其祥也。萱草華，雪中萬曆中，王誼、藻為弟中尉，誼、藻誼、速乞加封，郡王將軍及女封，郡主、祖例。藩王由中尉進封者，次子不得封，郡王以久無嫡子，乞封庶長子為郡王，以待嫡。禮部范謙、弟之馮琦曰：庶長合封郡爵，他日嫡子生，則郡長子郡爵如故，恩濫不可待。即郭正域是之，竟寢其事。崇禎十六年，賊李自成入關，中秦王存樞降，衛權將軍世子妃劉氏獨不屈，向賊曰：國破家

亡○只○求○一○死○賊○不○敢○辱○違○歸○外○家○秦○府○長○史○章○尚○綱○投○印
井○中○赴○端○禮○門○再○集○自○縊○死○

論○曰○王○撫○髮○箸○未○化○燕○亦○不○即○尊○觀○隱○王○炳○之○不○迎○壬
午○詔○知○之○惠○蘭○定○皆○守○尚○炳○之○教○沂○陽○薦○孝○萱○草○不○萎
循○禮○之○鑿○於○天○也○存○樞○降○辱○闔○掖○將○軍○與○不○關○燕○詔○大
異○是○所○為○以○順○為○正○者○矣○炳○世○子○妃○從○一○以○終○樞○世○子
妃○求○死○不○辱○皆○可○附○孝○哀○孝○節○之○例○顧○張○猶○烈○女○之○不
更○而○劉○則○忠○臣○之○不○事○矣○長○史○尚○綱○與○福○藩○之○承○奉○崔
昇○俱○為○女○姓○長○氣○

...

...

...

...

...

...

...

...

...

晉恭王桐

憲王美圭二妃孫氏石氏端王知烱簡
新典慶成王鍾錡奇源西河王奇瀚

晉恭王桐高皇帝第三子馬皇后出或曰李貞妃子王妃

傅氏為穎國友德女初之國太原中道捷膳夫帝與之勅

曰吾率群雄平禍亂不事姑息姑息獨徐興祖為吾勝夫

二十三年矣小子識哉桐脩目美髯頽盼有威多智數嘗

裂人於奔馬或曰藏兵五臺山坐廢懿文皇太子為調護

得復國以安車迎相桂彥良繼汪河為相洪武二十六年

摠宋國公勝兵出塞捕虜時燕代皆從燕王深八王不及

還上責王不能在位二十八年燕王間諧王七以憂薨子

定王濟煒嗣建文初徵兵禦燕長史龍鐔功王薨兵燕王

得國。坐王縱其下而逮鐘。獄死。王懼。上還獲衛。不許。曰。皇祖錫也。平陽王濟煥者。王柵第二子。初封聞喜。改平陽。性諂戾。父恭。王勿愛。及兄濟煇。即位為晉王。追憾其父。不解於濟煇。永樂中。嗾弟慶成。諸王日短之於朝。而陰結府中。官較。共力誣搆濟煇父子。咸坐廢。幽恭園。而身代立。濟煥既王。煇殺其嫡母。逼蒸恭王侍兒。裁絕濟煇父子飲食。濟煇困恭園十年。恭王故府中媪不能平。走訴。上以故承奉左徵為証。徵者。濟煥嘗誣其佐王為逆。以械繫京師獄。上出徵問前故。立釋徵。馳驛召濟煇。徵馳入園。空室中。解王紉纏。相持哭。府中人傳言徵繫死久矣。及至。乃大驚。濟煇

與子美主見行在、憊甚、成祖憐之、封美主為平陽王、使奉
父濟煢以居、予之故、連伯灘田、濟煢自是益怨望、出悖語、
持前恨、奪灘田、不與、成祖崩、勿服也、使寺人代、繚幕中、
仁宗卽位、念嘗與故王煢同學、勅濟煢善遇之、與故王別
厚賜之、加歲米、且手詔煢、還連伯灘田、煢必不與、廣致妖
巫府中、造詛咒、仁宗棄群臣、亦不服喪、宣德初、咒詛事益
露、自度不免、交通漢王高煦、謀不軌、寧化王濟煥告變、上
曰、勿洩、適所通漢使者、走京師、首服、內使劉信復奏濟煢
擅取屯糧十餘萬石、給護軍、日夜造兵器、且應漢上降勅
召王、始懼、辭王爵及護衛、既至、示以諸所發奸逆狀、王

伏地哀請。死上徧諭諸王。晉與漢合謀。驗不誣。朕不敢以私親廢大義。謹遵祖訓。免為庶人。屏居鳳陽。誅其同謀。及妖巫數人。而奉祠成敬。坐謫戍。自訟寃。下之腐刑。敬涇陽人。以求舉中進士。選庶吉士。改晉府奉祠。後為內官。監景帝。甚見親信。子凱。登進士。病篤。上語敬曰。若子凱。生平志何官。敬泣對曰。願出入禁闥。犬馬自效。上輒恩授凱吏科都給事中。凱聞命。旋卒。英宗即位。立美圭為晉王。圭和厚。易直恭事朝廷。以愈薦。薨。謚曰憲。二妃孫氏。石氏。自殺。以殉。謚貞節。子莊。王鍾鉉。嗣。鉉仁謹。博古喜法書。摹絳帖。而廣之。表於朝。孝宗賜書嘉歎。王六十一年薨。世子奇源。七

子表榮皆勿及王。而曾孫端王知烱嗣。追封奇源為靖王。
表榮為懷王。奇源好學。有至性。母妃病。徒步禱於神。及薨。
乞廬墓。孝宗慰而止之。端王孤方七歲。知哀。居母喪。嘔血。
三季。芝生其寢。好儒。斥佛老。子以靖王支子簡王新塏。
嗣。王母尚太妃。教塏嚴。時跪塏牀下。尚疾。塏叩頭露禱。左。
相朋。每陳善言。輒下拜。王以時勞苦。國中吏士賜予。加自。
奉。王無內道。時樂酒。與寺人作嬰兒戲。自解其老也。以弟。
新塏子慎鏡。攝府事。三傳王求桂。有賢聲。按恭王七支慶。
成王濟炫者。始生之日。高帝方御慶成之宴。喜曰。長封王。
以號國。故王不以地。而以慶成。炫嘗以圖書。擅給驛馬。被。

請謙奉命練武潞州護衛軍率為盜遣捕炫曲庇之坐召
還子美靖代立淫令其總旗誘致妓與姦二小旗為盜靖
隱焉而奸其妻為人所計薨子鍾鎰嗣多子妃妻可二十
人四十四子及女可百人皆長育六十三孫五百有十
曾孫當王之身子孫百人多不能相識憲宗時命圍入家
慶上為不悅曰乃大靡吾炊子奇瀆嗣孝宗嘗對瀆諸生冠使讀
書久之乃以孝聞弟奇濶抗父命殺人奸占樂婦廢庶人又夫寧化
王濟煥正統己巳之變欲率其子六人從軍以報國詔不許再傳鍾炳
姬其父妾多通奸衛軍妻不從輒殺之死者八人孝宗時冠炳書
生冠草其歲祿亮頑益甚幽高墻又夫永和王濟煥有內

史誠自宮不淨與王宮人通王夫人杖死所通宮人誠以
他事請王毆死夫人及其母有欲發其事者娘輒殺之以
滅口千戶珙為娘治私宅居王所奸妓上生女珙請以子
為儀賓事覺珙與誠皆坐斬王薨子美塢嗣塢烝庶母亂
其妹致軍舍八人同奸其宮人翠兒致死勒其妃與所愛
者通妃絕之其所烝庶母生一子詭為宮人所育請名於
朝事覺誅軍舍削美塢為庶人而定王八支交城王美垞
者王妃悍妬數筮死宮人母妃居定坟以避之以不孝賜
妃自盡西河王三傳奇溯三歲而孤孝其母母病渴祝天
甘泉湧渴愈方山王再傳鍾鈇老無子以所產女易外家

男請名事覺爵除寧河王美福成化中所居府有妖為祟
夜或為神像或為王侯舉火將焚其宮次年冬宮果被火
冠服器用皆更賜之崇禎十七年賊李自成陷平陽殺西
河王等三百人以晉王去攻彰義門令代王與晉王並左
右席地坐仰攻城

論曰王綱以燕間憂薨倘處子濟煇之日懷夙恨自奔走
金陵不遺力且平陽去燕不十日而近燕不危疾走魏
都之計乎必不促南下欲盡平陽南下則必費幾日東
昌鐵騎能北行夾擊無完燕也齊煇之從長史鐔以兵出
忠志無疵然此時情勢不復可任矣端簡西河咸以孝

聞而慶成王鍾鑑傳子過太祖倍再傳一百六十有三。
三傳五百有十。蓋不億所自稱也。崇禎甲申晉王不早
決。輒從逆。闖觀兵燕。初。憲王美圭之薨。妃之從死者二。
玉軟先叩。生慙矣。

吳州縣志卷之四
地理志
一、疆域
二、山川
三、城郭
四、鄉里
五、風俗
六、物產
七、人物
八、藝文
九、職官
十、選舉
十一、學校
十二、祠祀
十三、寺觀
十四、名蹟
十五、雜考

周定王橛

子有熾妃葬
氏夫人祀氏

周定王橛、高皇帝第五子、高皇后出、或曰高皇后無子、育
于孫貴妃、七卒、服以慈母斬衰三年、初封吳王、國錢塘、工
部請建王府、置護衛、上未可、卒以剡財賦地、改封國、開封
即宗、故宮為府、初王之國、高后遣慈母從、賜所御袍、若杖
一曰、王有過、被袍植杖、坐責之、如我也、王好學、能詞賦、工
書、從上所賜元姬、得闡元宮中、事製元宮、詆百章、時人以
比之、三輔黃圖書、又以國土夷曠、庶草繁蕪、辨察其可佐
饑饉者、種植四百餘種、繪而疏之、名曰救荒本草、請得周
是修為其府奉祠、二十二年、棄其國來鳳陽、上以擅離封

地。遷之雲南。不果。行。建文中。齊黃輩。歛蕞燕之謀。以構燕母弟。易取。欲先周。而王亦自為。倫相王翰。諫王。不納。翰斷指。佯狂去之。或告構反。上。佯命曹國景隆。備兵於邊。假道周。孫。團。王宮。執構。鼠蒙化。別安寘其諸子。已復召還。錮之。成祖入金川。出錮。構與齊王。持拜且哭。成祖並二王。按轡登樓。相勞也。已復故封。加祿五千石。以開封。圮於河。改建邨洛陽。不久。仍還開封。永樂二年。來朝。獻駱虞。八年。請祀太祖國中。上曰。支子不得祭太祖。王國。晚年。構歎有過。款不問。有告構反者。上遣都御史王彰諭意。構大懼。上還三護衛。上悅。補辟長史劉淳為世子師。時端禮門槐枯。數

韓淳勸捕引咎自脩。韓復榮。捕名其規。為據忠。仁宗即位。復加祿五千石。韓王五十六年薨。子憲。王有燉嗣。燉博學善書。為世子時。嘗有東書堂帖行世。所製樂章新聲。大梁人能歌之。嘗以獻諸朝。宣宗答以優衣一襲。磁瓜一板。王大慙且薨。遺命葬從儉。妃夫人以下。毋從死。年必有父母者。婦其家。王薨。妃輩。氏以死殉。夫人祝氏等數人亦死。英宗咸賜謚。厚葬之。亡子。弟簡。王有燿。以祥符。王進封。先是。汝南王有契。與新安王有燿。並惡祥符。乃偽為燿與趙王書。語悖。擲道傍。都指揮王友得書。以聞。徵燿至。燿曰。必勲亂我。速勲。訊服。詞連燿。勲志行故不減。少與高煦善。建

文中告父定王反寔出其所遺。廷臣乞誅之。上赦勲居之。大理煇喜食生人腦及肝膽。薄暮每伺人於門。輒闖入殺而食之。以故新安邸前日未晡。斷行跡。勲故亦數造端誣。憲王燉上為書論燉。不辨。宣德中錄誣簡王有燬事。詔勲燇同免為庶人。居燇京師。已復其爵。按定王十五支鎮平。王有癩。慕善。多材藝。工詩歌書畫。騎射。毬鞠。作道統論。歷代賢王傳。以壽終。簡王十二支。再傳懿王八子。其支清河王同鏞。嘗挾姬夜遊。巡甲止鏞。使人截甲耳。又新會王睦。檇文而恣。時睦檇以通經。舉為宗正。檇始之。誣以猷女得宗正。為艷曲。使府中歌以辱之。萬曆初。以宗祿缺。遣

給事中萬象春行議諸王府限制膳資宗睦棹嘆曰是齊
黃復出聚宗室千餘人盟府門出飛章中睦棹羣擊之盡
其鬚髮曰皆爾謀而群上書抗詔坐廢幽高墻睦棹係鎮
平王浚為鎮國中尉父安河以孝聞姓十四月而生火端
穎朗詣李夢陽一見奇之與晉江王慎中鄭陳東講社當
是時河洛間宿儒衛君聘名易和太芳名書周伯昌名詩
周涿父名春秋許守謙名禮棹先後從之遊尤邃于易春
秋易主王弼浚復取鄭玄謂鄭學莫備于唐李鼎祚刻其
集解以傳而自為春秋傳明筆削之旨時海內藏書家称
江都葛氏章丘李氏棹盡購得之起萬卷樓誦誦其中一

切諸王孫世祿之習。泊如也。往來士大夫。叩以經濟鑿也。中窾容擔登至者。悉館穀之。初高陵呂柟仲木與樛講易。東陂之上。驚曰。子輔嗣流也。新鄭高拱問易曰。大易之旨。以退為宗。語會諷切。自為宗正。絃誦之聲徹朱門。年七十餘卒。門下士五百餘人。頌德闡于朝。予祭葬。再傳惠玉。二十。三子。其支平樂王安泛。與世子安橫及弟安淡。競置囹圄刑具。集亡賴為私人。擊斫無諱。以之安泛與安橫惡。安橫奏安泛私壞宗廟社稷儀。伏染作諸壇庫。奸庶安。毆死人安。泛亦誣奏世子諸不法。會赦。安橫卒。安泛侵凌橫妃。殊甚。孝宗時。使上往案。安泛益持前誣。所連千餘人。上削。

安泛爵降庶人。又博平王安滅。修車馬。盛賓客。延教授。蕭
雅讀書。周自定憲以來。率諱死。凡喪葬事。毋敢王聞者。死
則曰老曰乾。而安汝特為視雅殯。殮三日。再傳悼王九子。
其支南陵王睦。博學該物。廉介節儉。無声色之好。所居
瓦屋不緣。嘉靖末年。上書請立宗學。以崇德教。設選科。以
省祿費。嚴保勘。以杜冒濫。革冗職。以除素滄。戒奔競。以息
饕餮。許拜掃。以廣孝思。立優制。以省祿費。上嘉納之。亡子
除。再傳恭王十四子。其支汝寧王勤。獎嘗病腫發。殆。妾劉
楚香祝天。單衣三冬。以分王笑。獎果愈。及獎薨。自經從之。
詔賜旌表。再傳康王四子。萬曆中。周宗凡三萬二千八百。

九十七較諸宗嘗教十倍而貧甚或有從開封來目擊周宗動作有禁無產可驚無人可依數日之中曾不一食有年餘三十不能婚者有暴露十餘年不能葬者有行乞市井傭作民間流移他鄉餓死道路者以聞上上覽而憫焉將軍安胤性至孝父病夢神啓之割臂和藥病已後廬墓三年詔旌其門晚益尚名理近納詞人上稱胤為小山崇禎十四年賊李自成等圍開封時河南飢通判白尚文巡夜墜城死民爭取煮食之王恭樞捐帑五十萬治屑麥飽守者守力賊退十五年九月河決開封王府第沒王從後山跨出率宮眷及寧鄉安鄉永嘉仁和諸王浮舟西城時失

水者率緣舟。且獲。于是以刀斷緣者手。盈舟樓城堞。避兩門樓之下。推官黃澍等護王河北之柳園坊。又明年甲申。賊南下。巡按御史陳潛夫保王恭枵南渡。依魯監國。越敗入海。已而其支安昌王乙從監國乞師日本。日本師不出。舟山敗。乙野死。有子從母逸。艱難已從抗淨慈寺受拂于豁堂和尚。母密藏故王印。不令子知。熊南直之松江野庵。庵故有僧。利其貲。飾宇安其母子。子知王家不知為王僧。并不知其為王家也。母且卒。乃露其印于子。且囑僧善其子。僧警晨朝之。稍聞于寄單。每作耳語。為巡者所迨。事連豁堂。豁堂薄對。某故善知識。他何知。則主識者方別。

恨卿紳部瑱生。以三字聲疑。遂塞遠瑱生。于脅其金。不與與豁堂對勘。重鍛鍊之。必豁堂誣。極豁堂必不識瑱生。瑱生亦不肯服。豁堂善詩。寄慨時事有之。于是安昌王子與野庵僧咸訖斃。數百人。而豁堂與瑱生二人免。

論曰。王禰非有大失德。告密本于有勲。勲與高煦最。賤。豈能為人子。執煦即為人子。豈能為人臣。執永樂中。禰教有過。且不論。乃建文時。輒欲先緣周以事。緣周而告禰者。至矣。即使告密不誣。料非果能禍國。亦宜曲貸。再三。飭輔導。戒護衛。即否。遍聞諸林。父與公論之。使不道之迹。大著。恩仍歸朝廷。迨萬不得已。兵貴先聲。六萬。

無用假道。故智矜掩。取之能便。賀戰勝。且不煩再聽。輒
與竄。獨不一而足也。託燕王同母。亦即非先孝康同母
欵。璣自近始。與燕以名。而取任者。仍以九江。益自露其
實矣。九江自以前捷。而受任禦燕。不辭。益自忘其實矣。
櫛之傳。文詞而進于理。學憲王有燠。東書堂手著。可觀
也。鎮平有曠。南陵睦樸。一慕善。多材藝。論古合則一談
物節。庶條宗議。鑿可行。將軍安汎。頗延納。孝行旌門。
而博平安。汝修謹。屈首讀書。至于中尉睦樸。號為通經。
河洛宿儒。成就講貫。萬卷樓。八名籍其中。誠一時之盛
也。而世有貞烈。如憲王妃。華夫人。祝汝寧。妻劉。咸以死

殉則刑于有素矣。若夫有燔之喜，啖人脛，同鑊之夜，截人耳，安橫安淡之私刑人，安泛之毀廟器，更有甚者，犯倫不省，蓋自宗憲浩繁，教學鮮少，萬曆中，周宗築三萬三千，再傳當更數倍，宗正之難為工如是也。

楚昭王楨

憲王季堦景王季淑通城王盛
弟濂將軍華傑徐學顏

楚昭王楨高皇帝第六子母昭敬胡妃楨初生時適破楚武昌報至上喜問羣臣武昌古何地對曰楚上曰子長予楚封及分封王楨齊鑄齊寶三舉三虧上忽憶前事曰封齊非初命遂封楚武昌上賜楨經史楨錄御註洪範及大寶箴於座右特觀省十四年率江夏侯德興討散毛諸洞明年討大庸諸洞十八年與信國和計擒銅鼓五關壘餘黨悉潰二十年討雲南阿魯朶趙武關至鄜州擒之二十四年征西蕃二十七年通州杜回子叛討平之復討全州叛獠明年討桂陽山寇平之又明年盧溪黔陽諸洞羸叛

王自沅州深入、搗平之。三十年、熒惑入太微、會王子巴陵
王薨、上勅曰、人君候五星出入、所舍何分、進退休咎、務必
知之。前與爾天文書一牒、望爾知星象、慮禍福、修人事也。
太微天、疋居翼軫、楚分也。順入逆出、入十日矣。王子疾逝、
灾不止、尚省慎以回天意。其冬、王妃果薨。是年、與湘王
栢率師十萬、往征古州叛蠻。栢不親蒞軍、措糧糗無方、上
謂王不武。栢居國樂善奉法。成祖入國、召為宗正。王五十
五年、子莊王孟煊嗣。宣德元年、詔發楚魯二王護兵、各千
人、征安南。五年、平江伯瑄密奏湖廣東南大籓、襟帶湖湘、
控引蠻越、交廣黔蜀之會、人民蕃庶、商賈輻聚、楚護衛之

官交姻連姬、葉、枝、延、蔓、小人行險、或生其心、乞陛下借之、
餉名、選其健銳、使轉漕京師、因而留之、章帝曰、楚王故無、
過、不可、王聞之、懼、上還、兩護衛、而留其一、王敦慎好學、所、
招引管時敏、貝、駟、雷、貫、等、皆文學之士、蕤子、憲、王、季、規、以、
武陵王進封、事母妃、鄧、至、孝、鄧、疾、額、天、顛、以、身、代、侍、湯、藥、
不解帶者、數月、亦以文學稱、著東平河間圖贊、士林誦之、
凶子、弟、康、王、季、淑、以、黔、陽、王、進、封、正、德、初、淑、疏、論、逆、瑾、罪、
不報、三傳、愍、王、顛、榕、以、長、樂、王、進、封、儀、賓、室、者、與、其、弟、宗、
多營利、榕、踈、之、宗、室、訟、室、榕、弗、庇、也、而、收、其、賜、田、寶、怨、使、
弟、貢、誣、奏、榕、謂、幸、臣、王、海、與、其、府、中、人、呼、榕、萬、歲、誘、榕、演、

武設水戲、習水軍、即訊不寔、削室為編民、王世子英耀見
父榕宮人方兒悅之、私烝之外舍、榕知之、禁方見北園、笞
其狎人陶元、死之、居無何、榕與諸王泛湖登臺、倡公見侍
酒、耀又悅之、通之於湖亭、明日、耀具大筐、使其卒金與良
輔、私筐公兒、致之館、榕怒甚、發聲死二卒、二卒惧如元也
告耀曰、王怒、世子之位、不可知矣、不如先之、會元久、世子
置酒享榕、匿力士壁後、酒酣、王從人下受槁、力士出以銅
瓜、過王、榕瞿曰、耀亡、腦出、死、耀復取銅鞭、上父屍、迎公見
為新妃、慶祖、端王之宮、遷其主、事聞、逮斬英耀、揚其屍、楚
人稱榕破頭王、時武岡王顯槐、奔救王榕、縱傷臂、詔賜金

帑嘉之。昭王十子，其支崇陽王顛休者，為王格主宗祿。漢
之宗人怨鎮國將軍顛榜與其舍人虎言之朝格，格怒，
笞榜斃。虎會榜將朝於格，上與鎮國將軍榮滑、
鎮國中尉顛擗、顛薰、袖鉄推待之。麗郭、犀擊榜死，事聞，休
坐死。滑等幽高墻，萬曆三十一年，楚宗人華樾等二十九
人，訐王華奎非真，搢楚先恭王病風痺，不能御內，乃令宮
婢胡氏詐為身抱妃兄王如言子，為華奎。又抱妃族王如
綽舍人王玉子，為華壁，以為奪生。奎得嗣為楚王，而壁封
宣化王。樾妻如言女也，故知之。而儀賓汪若泉先曾訐奏
事，下撫按。王妃堅持之事寢，至是役發，則華奎襲封二十

年矣、禮部侍郎郭正域、武昌人也、右宗人概、疵王、并及輔、
臣沈一貫、而輔臣沈鯉、復右正域、戶部尚書趙鼎、鄉等又謂
王非假、於是臺省閣部、互訟不休、上卒以王為真、科臣楊
應文、竟劾正域罷去、已而東安王英燧、武岡王華增、江夏
王華塏、復請勘王假、不報、三十二年、王華奎、董金、諸貴人、
至漢陽、為宗人所發、兵備道周應治、概、所劾、於是
諸宗咸憤、走訴巡撫趙可懷、可懷為王飾詞、此將內助大
工、被劫方訊、一人走械、擊可懷死、應治等傷、一貫以為叛、
有詔、旁郡兵合、嚴武昌、叅政董漢儒、薛三才、曰、是激之亂
也、壁城三十里外、不入、一貫復跋逆宗反形、大著、慈登者

助王誣捏尤甚且云畫見軫翼係楚分事不可忽由是坐
謀叛大辟者七人禁高墻者數十人而奎王楚如故久之
以輔臣葉向高言楚宗得釋崇禎十六年賊獻忠陷漢陽
三司請王甲權宜餉軍不可及武昌陷賊以篋輿籠王沉
西湖遮其金數百車盡時左長史徐學顏承天人城破與
賊格鬪左臂斷右和尙持刀不仆賊支解之鬪門死者二
十餘人湘陰王儼銀全卹遇害而祁陽王甲首聞武昌陷
矣其封豨兵蕩梧州諸生嚴煒者素與王善以福京中書
舍人贊王世子襲封聞賊燹與嗣王共艱難更名入彀
中自保又通城王盛激昭王九傳支也與其弟盛瀛及宣

諭華堞棄家沒吳之笠澤。明年甲申國變。又明年南都失
守。及潞王以杭州北降。雍髮令下。所在挺起。閏六月。吏部
主事宜興王期昇往迎。激等笠澤治戰具。檄諸拳勇。札授
材官。練兵湖中。於是諸義金鑑韓茂貽陳萬良等數十部
俱集。襲有長興等縣。亦一破郡城。卒以糧竭不守。八月。援
進士中書盧象觀於苦之北門。不及。象觀死之。激知不可
為。委其衆進士吳易。身越海。依監國魯紹興。嗣與永豐伯
張鵬翼協守衢州。丙戌六月。監國棄紹興奔台。金華遂不
守。激分督繼三門。以義激民兵守固。力竭。鵬翼約激五鼓
背城死決。未發而門開。北兵入。激自縊。鵬翼自有傳。弟盛

濂不知所終。華堞字用章初。楚陷。以將軍叩關上疏。請聯
絡山砦。義勇身先擊賊。詔授喻宣諭將軍。從盛激等入荆
時。潞王窮走杭州。華堞衰麻入謁。說恢復之計。王不省。從
陳弘範却迎。竟北去。不返。閏六月。大江以南。鄉鄙一日起
作難。北兵不啻數千部。有王教主者。先教百人走武林。華
堞夜出迎之。拜馬首。公等為江南反戈第一。願鞭弭從。已
破閩入。願兵寡。不敢動。被躡。盡屠橫。華堞間脫。復往合盛
激。湖。嘗不得利。走徽。畏創殘。恢復教下邑。鄭遵謙起紹興。
欲稱制。王之不受。魯王監國紹興。勅原。叩出督剡。直陸師。
是時華堞以忠節感人。慕從者。衆。十月。左尹主走。間錢馬。

諸部並議合從。且渡江時。黨事未解。或以王有功。當貲魯御史陳潛夫。疏左尹止之。久之。曾封新安王。不拜。聞亦馳勅封華。堞為楚王。亦不拜。曰。臣無家。王何處。明年六月。紹興敗。走入長興山中。將為所欲為。不利。走廣西。於永曆三年六月。積憤病歿。會城。

論曰。王植久兵間。竟洪武中。歷摧盪番獠。獨于古州之後。太祖輒稱不武。知前此奉先聲以行。非果如燕之知兵者也。觀壬午之後。徒用樂善守法。召填宗正。記曰。征之為言正也。不能贊一仗。北向。其誠燕之宗正矣乎。一再傳。孟煥季規。文行可。觀若季叔之論逆瑾。持義繩君。

側實本祖訓。雖不報以愧廷臣。之不論逆瑾者。華奎實
非楚系。為恭王妃兄之子。而蕝華奎之非楚系。為恭王
妃兄之女。壻華奎也。子女同父。言之胡不真。且此時
貴賤殊。婿樾即宗人。未嘗有所長觀。即何敢危犯此。無
稽又宮婢胡之詐身。舍人王之學壁証鑿也。或以二
十年相安。蕝後時。蓋由蕝素驢末殺。則持之。而况儀
賓汪之訐奏。非一日之故也。必雙生。以不足故。示有餘
耳。至于東安武岡江夏。一口是樾。奮擊撫臣趙死。是必
其義。可以動衆。不然王之輩。金胡為執。而閣部沈郭等
各自為黨。直欲以叛加楚。守以非楚。長有楚乎。卒之嗣

偽系者為獻賊籠沉西湖。楚不長矣。甲申後通城盛滋
兄弟兵耀笠澤。死殉三衢。九執宗之正矣。宣諭華塔不
釋衰麻者十餘年。再與崇封不受。是誠楚昭之嫡系也。
夫。

齊王搏

齊王搏，高皇第七子，母達定妃。國青州。洪武十六年，上令王出獵開平，且憐胡。二十四年，再出開平，與潁國公友德共事，有詔勿相參奏。建文初，府中人魯名深告變，召至，訊得實，廢為庶人。時周王已削爵，與王並禁繫鳳陽。燕兵入，急遣往衛。二王、二王、碩不知，大怖，伏地哭。已乃大喜曰：「惟燕能生我。」永樂改元，復其封。王驕縱不簡，則馳書戒諭。且曰：「無忘患難時。」搏復不省，陰畜亡命，養刺客伺險，暗結勇士通邊。彙府中私帝號，益為咒詛，輒用護兵守北門。廣智門以外，接苑圃，奢築牆堵守，吏不得登城。夜巡李瑛等上

變告搏匿珙以戒口上賜書索珙且誠搏改過是時周王
楠上書悔罪上即以書示搏上悔過請朝明年來朝廷臣
請論搏如法搏厲声曰奸臣喋喋將欲為建文故事乎行
盡了此輩上聞之益怒番搏京邸奪其護衛指揮柴直等
伏誅罷遣府諸寮盡出王所繫囚及諸造不法器械或請
并收教授葉垣上曰朕嘗出王囹圄思禮渥洽開諭六七
乃故不悛安望教授垣其勿罪搏見番益有怨望并奪其
子三王爵幽王西內宣德三年福建上陽妄男子詭称七
府小齊王製王冠服自為護衛謀不執事覺械京師供云
樓濂不預搏於是誅其黨數百人而搏與其子樂安王賢

熒、長山王賢燧、平原王賢賓、皆暴卒。搏、少子賢赫、廢為庶人。安置廬州。景泰中、勅南京守備移置赫及谷庶人於南京。慎防之。時谷庶人絕、而赫請得居谷庶人第。嘉靖中、釋高墻庶人長鑿者、搏曾孫也。天啓三年、赫後、睿鑑逆迹露、睿鑑生魁岸、有智計、或言其相當貴、因自詡、納亡命為遁逃淵藪、而武進人陳鼎相、入南雍、深與結納、操江御史熊明遇、密以聞、收睿鑑及鼎相、伏法。餘不問。

論曰、王搏私帝孫、二燕也。顧不買二燕于燕、能生我之。日建文中、諸尊行、私借擬種、不可問也。亦不勝問也。貴徐以濬之、而獨問其公行焉者、即公行、而或故以私。

寬○之○以○私○忘○之○必○有○善○處○諸○尊○行○法○在○而○朝○廷○不○解○也○
改○元○方○四○閱○月○五○王○一○時○坐○不○宥○代○岷○與○周○罪○不○能○舉○
天○下○有○小○誤○而○持○古○禮○按○之○遂○關○門○戶○故○等○是○也○湘○即○
見○端○然○初○坐○偽○鈔○耳○獨○齊○搏○舉○動○傲○僻○頽○文○皇○時○猶○開○
諭○六○七○至○示○以○周○楮○悔○過○之○書○不○得○已○始○削○奪○幽○西○內○
至○宣○廟○而○父○子○咸○不○免○建○文○何○時○輒○送○搏○鳳○陽○與○周○桐○
同○繫○手○搏○如○二○燕○于○建○文○或○亦○有○名○而○搏○祇○自○大○不○可○
以○語○以○他○日○妄○男○子○樓○濂○偽○為○搏○尚○悖○人○少○子○燦○後○或○
逆○跡○天○啓○中○搏○之○悖○性○也○而○以○世○

潭王梓趙王杞

潭王梓高皇帝第八子母閹妃故漢友諒宮人也或曰達定妃國潭梓幼聰敏好學善屬文貌美秀而性淫宕未之國嘗亂宮中每朝泊宮中旬月上愛之不知其奸也嘗召府中儒臣設醴賦詩手品高下治亭殿東掖置琴酒書研樂之居常聞其母言所以為妃故不勝憤懣銅牌書二語於上謾甚洪武二十三年上徵聞宮中狀又妃與王從民家坐事益怒命魏國公徐輝祖徃逮之王知事洩戎服乘馬抱其愛子巡城而馳及城破圍宮三匝互投水死宮壻無存者或曰與妃咸自焚無子國除

趙王杞高皇帝第九子洪武二年生明年受封又明年薨

論曰漢文諒之以遺妃為間哉洪武中不敗又一燕
矣杞夫不論按太祖初冊闕妃時有云朕手諸借偏未
嘗有其妻女漢我深仇出此迹以語疑猶以妃為仇也梓
恩其母遂果為前父尋仇漫陪在牌爭見闕王不見父皇
八字知妃之勸極非一日矣

聖王梓趙王并

魯荒王禮王願坦

魯荒王禮母郭寧妃高皇帝第十子生兩月而封國交州
王文弱好詩歌頗餽金石病狀其妃為湯信國女嘗建一
苑城外與妃出宿上召入宮髡之賜妃自盡王薨上册之如
秦謚曰荒子靖王肇輝嗣宣德初為長史鄭昭請老上以
王賢許之五傳端王觀烜幼狎其典膳信等淫戲無度為
複屋曲房于東園扶娼樂之裸男女褫浴烜臨水縱觀左
右有忤立斃之或為炮烙之刑信等咄嗚殺人有抉眼截
舌死者世宗念王幼革其祿三之二逮信等誅之子願坦
自竇慶王進封父端王病嘗藥請代喪葬遵禮衰經三年

捐田湖資貧民。詔嘉之。按靖王六子。其支樂陵王有三子。當荷、當再、質。質而當漆敏師。勝滋以告王。七屬心漆。荷再恨滋。杖殺滋。世非廢為庶人。又東阿王陽鏢。孝友能詩。善楷書。而莊王陽鑄者。十子。其支再傳。當醜。王健。椒。老。七子。上言宗室所以滋蕃。由其詐以妾媵子為嫡子。臣今六十。無息衛。所受府第。乞願請以身後。盡歸魯府。待給新封。省民財萬一。乞著為令。報可。又莊王一傳歸善王當。正德中。流賊攻交。當返借護衛兵器。率家衆乘城射却之。朝廷降勅褒諭。遂以武徙。聞當返數與表質趙嚴等角射。而材莊王較尉智。屬長史魁求之。王魁不應。而勸王別絕智。諷

為樂工當返怒欲縛辱魁魁匿莊王所乘醉言當返且反
從王子以聞王吏部主事梁穀者東平人微時免疾暇諸
惡少年既貴厭苦之而或有從東平來云表質趙嚴苦佐
當返奪王較尉智不得治兵反殺心動告變於輔臣楊一
清而以所怒惡少年為從內吏特叔貴欲邀封拜如寘錡故
事益重言之密聞武宗大發兵伺變魁又奏莊王不先發
無以塞內廷叔貴意王心懼亦奏當返反於是遣司礼太
監祥大理寺少卿鈍錦衣衛指揮端重兵布置德州大名
雅徐間京師洵上旬日震動以為事不萬全一決難制及
排破當返宮當返方醉臥無所見得弓矢故禦寇而借護

術物也。當汝愕，不知所為。與賈巖等術就縛，及訊得寔，御史翰林奏殺報怨邀功，魁諸子惑父，並宜寘法。內廷猶以翰臣縱殺，下錦衣獄，降為州判官。御史啓充等再訊，極論殺鼓煽流言，啓小人生事喜功之心，致大臣輕信，寡謀之失，死不足盡法。不報。時當沒罪，無所坐，不得已，但云奉違祖訓，降為庶人。幽高墻，覽等及宗屬戍肅州。魁亦妄誣坐斬。中官護當沒之高墻，當沒猶未知所坐。中官曰：之鳳陽謁陵耳。比至，曰：此何地？曰：高墻。乃大慟曰：冤哉！觸墻死。輔國將軍當沒為鉅野王後，慷慨有志，即嘉靖中請停郡主。縣居卹典，以蘇民困。又辭己與子歲祿，佐縣官，䟽通運河。

請以己父子祿賑封內飢民。勅上法祖宗重國本。裁不急
息土木。詞甚剴切。下勅褒之。又鎮國中尉觀煇亦鉅野王
後父。奉國將軍健根。既以賢孝稱。觀煇被服儒雅。好著述。
執母喪哀毀。周恤處士萬甲。三十年不懈。弟觀韞亦以詩
畫名。入鉅野中尉順塚。安丘將軍順棟。皆倜儻有逸才。聲
詩俊拔。崇禎九年。東師深入。魯王甲捐金募士。力以禦。十
五年。王遺左相俞起致與前給事范淑。合搗流賊。乙酉。
王薨。世子以海土。四日。東師入南奔。監國紹興附紀。
論曰。魯王禮文弱。國于詩禮之遺。傳世循謹。如嗣王順
坦及東阿當甌。二王咸孝友。屬文能推讓。至將軍當濱。

之辭。襍。徒。根。父。子。兄。弟。醉。詛。宏。文。慷。慨。不。一。而。足。獨。歸。
善。王。當。泣。一。案。久。沉。不。白。夫。世。無。醉。卧。無。所。見。愕。不。知。
所。為。輒。坐。以。不。軌。者。即。取。程。祖。訓。沒。非。私。治。可。矣。借。護。
衛。物。以。結。城。正。屬。諸。支。匡。王。大。義。且。以。時。流。氣。不。靖。事。
已。未。便。奉。還。情。也。而。竟。欲。比。之。賓。璫。之。弄。兵。非。其。解。矣。
監。水。道。聞。慶。捷。輒。居。發。縱。之。能。諸。監。陸。馬。谷。魏。與。義。兒。
江。彬。等。急。欲。得。一。似。反。者。一。試。以。豪。鎮。國。公。之。秉。鉞。即。
何。必。沒。果。存。其。實。哉。誤。認。高。墻。以。為。謁。陵。嗟。無。以。反。側。
子。也。最。後。以。海。走。監。國。繫。東。南。者。數。年。其。初。冊。名。時。亦。
已。明。識。其。水。濱。之。不。復。矣。

蜀獻王椿

靖王友峻

友峻

友峻

友峻

友峻

友峻

友峻

友峻

蜀獻王椿

母郭惠妃

滁陽王女也

為高皇帝第十一子惠

妃生王及代谷二王

未樂汝陽二公主

王元妃涼國玉女

也椿狗慧能文目五行下關西堂延攬名士李叔荊蘇伯

衡等與商榷文史帝嘗呼為蜀秀才已又聘方孝孺傅世

子表之曰正學造安車賜長史陳南賓分成都學博士以

月饋曰後世子孫皆如我饒博士椿守西陲其人安焉成

祖入國王來朝獻荔枝艾帛諸物上賜答曰賢弟抱明達

之資敦忠孝之義秉心存誠好學不倦東平河間無以過

也引躬遐邇朝夕不忘勉自愛重谷王穗椿母弟圖不軌

也引躬遐邇朝夕不忘勉自愛重谷王穗椿母弟圖不軌

也引躬遐邇朝夕不忘勉自愛重谷王穗椿母弟圖不軌

也引躬遐邇朝夕不忘勉自愛重谷王穗椿母弟圖不軌

也引躬遐邇朝夕不忘勉自愛重谷王穗椿母弟圖不軌

也引躬遐邇朝夕不忘勉自愛重谷王穗椿母弟圖不軌

也引躬遐邇朝夕不忘勉自愛重谷王穗椿母弟圖不軌

私告椿。上驚痛止之。不從。遂發其事。上悅。賚賜特厚。子華陽王悅燿有所愛幸。擅除為千戶。王椿曰。不朝命反。耶。杖之百。將械於朝。世孫女墳為請。乃釋之。猶囚繫累。月會墳就。寇京師。王薨。王椿六子。悼莊世子早薨。燿竊發帑。歲盡有之。世孫墳不問。燿反。誣奏墳。數十事。意在奪其封。召入廷。辯得白。女墳嗣王。燿至京師。猶誣奏不已。上怒。抵奏地。徙燿武岡州。又徙豐州。宣德五年。府中忽舉炮。銳搃兵陳。懷以聞。墳自引不謹。上還護衛三之一。已請王府官屬留軍中南人為匹。皆從之。薨。謚靖妃。黃自經。以從。無子。同母弟僖王友壘。以羅江王嗣。患風疾。上走醫治之。不及。無子。

叔和王悅，與為獻王第五子，以保寧王嗣。儉飭守禮，洪亮繼她。徐死，以從子定王友垓。工詩，善草書。再傳弟惠王申鑿，以通江王嗣。好學能文，亦善書。子昭王賓翰，仁厚好儒術。子成王讓相，肅皇時，以忠孝賢良，旌助太廟工。上黃金六十斤，白金六百斤，加歲祿二百石，玉帶一。王受玉帶，辭祿。子康王承燭，以仁孝稱。崇禎十七年，賊張獻忠陷成都，蜀王甲力拒，闈宮被難。

論曰：蜀秀才西堂延攬，署方孝孺，以正學表當時。至弘光中，特謚孝孺曰文，而多之以正。從王所表，也不表此二百四十餘年中，不敢以孝孺為正矣。王椿能以正學

世其傳而靖定惠昭成康若於誼妃黃徐而以節烈著
太祖以滁陽養女孝慈開國以滁陽女為忠妃詩禮貽
凌即不以郭之子死徙戎爾諸子所自出亦宜報以世
爵而胡絕不聞夫滁陽且有其道支老舍者也初裕四
而獲免罪其情不當無後故未及歎

湘獻王栢

湘獻王栢，高皇帝第十二子，國荊州。母胡順妃，豫章侯美女也。栢性通朗，多智數，讀書能韻，篝燈警枕，囊書自隨。被服儒雅，尤喜道家言。自號紫虛子，望之如玉，山晴霞而脅力過人，善射，運梨馬上若飛。數從楚王將兵有功。時十五，陞辭之國，上各賜玉帶一，命服之上，欲觀其後。錢諸王皆回身，王獨旋帶以觀。上問之曰：「君父不可背也。」上大喜。建文元年，坐偽造寶劍，招士馬，事覺，謀舉兵拒命，朝命將士偽高旅藏兵器於輿薪，直造王都圍王宮。王度事不成，與宮人痛飲，泣別，縱火焚其宮室。美人乘白馬執刃躍入火。

中死妃華、江陰侯高女、從死。詔廢為庶人、無子、國除。謚戾。永樂初、復其位、改謚獻。治墳祠。

論曰、廷王柏君父、不可背一語。紫虛子讀書解事矣。偽造寶鈔、或有之。招士馬、像之以罪也。稱拒命而曰謀、是明無其寔矣。夫藏兵器於梱、薪從園、王宮亦何從拒命、引而招士馬、迄和嘗燼滅也。不即就訊、輒自焚、或猶以擅鈔之故、不可解。夫叔父王擅鈔之罪、輒不可解乎。我更謚戾而獻、王與妃慰地下矣。

代高王

桂

山陰王俊柎
靈丘王遜
陰世子

將軍成銀成鐵

子

代簡王桂高皇帝十三子。初封豫。後改封代。國大同。與蜀
谷同母。建文中。廢為庶人。使如蜀。觀蜀王之法。燕王得國。
為復封王妃武寧王遠女。文皇后妹也。桂不悅。妃病。桂
不視病。王孫仕壻聞於朝。乞勅潞城王遜焮。啟桂善視妃。
桂復國。不悅。上賜書曰。別以懷恩。聞吾弟縱戮。取射國人。
甚吾弟。審拘囚。困辱。不記建文時耶。召桂朝。桂不朝。再
召朝。中道。予勅曰。爾傲狠。悖慢。朕念同氣。不遽絕。其歸省
愆。革去其王護衛。留較尉三十從。桂七老矣。猶時時與其
子遜焮。遜焮短衣小帽。袖錘斧。殺人市中。誘納軍民婦女。

入宮移怒其世子遜熾令母子出居外舍於山西行都司甚困桂妃徐甚妬桂寵其侍女二人妃冀侍女口添其身傳藥潰爛之復潛令衛卒仲謙誘之亡去桂王六十九年薨王十一子世子遜熾早薨熾子隱王仕燿嗣正統中上書以總兵郭登有功大同請留登長守上以王故勞留登尋以代隘請從封諸父桂支定安王博野亦在從野上書不忍遠王上曰王遠子胡越人我不許再傳孫思王聰沐或曰沫沫為世子時先封武邑王以使酒酸樂工草賊已居父惠王喪酌淫歌舞內使諫輒拷掠之或觸其怒以石鼓擊胸囊沙覆口死者數人坐降為庶人遷太原後以其

母請許用草勳武邑王稱於代子懿王俊扶或曰扶嗣嘉
靖三年大同軍叛圖王宮扶東走宣府上遣光祿少卿蕭
淮問王子昭王充耀請郡王庶子祿礼部言郡王庶子無
長兄得嗣郡王者封長子不復得支將軍祿長孫亦如之
遂不許大同軍又叛耀東走宣府上又遣官問王十八年
樂昌王甲乞徙代州科臣丁湛疏以為代藩北控邊鄙南
輔圻甸比之他藩尤為要重今宗親無故改遷搖惑衆志
不可樂昌乃徙朔州其簡王支山陰王俊柵數上書求開
宗藩應舉之路不報又靈丘王遜烜居絳精通醫理歲疫
以藥活病過井投之民皆德烜子任壻孝事父母一日三

問安。父亡哀毀絕水漿，不入口。四五日子成，斂孫立福亦皆以孝聞。馮子俊格為世子，嗜學善屬文，聚書萬卷，尤好右篆籀墨蹟。又隰川王遜燔居澤，簡王桂宮人劉生一女，封壺關郡王，劉愛之，時以祿米給儀賓秦安王，燔數沮之。己而宮中出一盒，封固，賜燔，啓之則無首，麪人一及羊肝等物。事聞出，劉子燔覺魁也。隱王支和川王壽鉉府中有奉國將軍充灼者，坐作奸奪祿，怨望聚兇，棗淮等禦人與襄垣中尉充燬謀，引鹵小王子入居大同，而白蓮教羅廷壘者稱灼有天分，遂遣人陰持火箭飛焚大同積習五六所，都督周尚文發之，伏誅。遷和川于山西，輔國將軍成鎮

弟成。鏖。係。隰。川。邊。父。仕。塲。吐。罪。幽。鳳。陽。病。革。成。錕。微。服。走。視。自。劾。越。禁。乞。負。父。骸。歸。葬。詔。許。祭。父。塋。所。不。得。歸。雲。中。卒。叛。成。鏖。請。嚴。誅。貪。酷。以。消。亂。端。語。切。直。世。稱。錕。孝。鏖。忠。又。鎮。國。將。軍。成。鏞。靈。丘。王。之。子。事。父。母。以。孝。聞。廬。墓。側。負。土。壘。塚。號。泣。不。絕。萬。曆。中。代。王。無。嫡。子。欲。立。所。愛。庶。子。鼎。茨。禮。部。誤。信。得。立。數。年。庶。長。鼎。渭。訟。之。尚。書。翁。正。春。曰。均。庶。立。長。宜。也。然。訟。得。立。是。有。兄。弟。而。無。父。子。請。予。爵。長。子。之。子。而。以。前。所。立。為。將。軍。不。果。行。卒。命。行人。魏。大。中。封。鼎。渭。為。王。世子。渭。例。有。贈。遺。大。中。不。受。毅。然。曰。渭。茲。爭。立。賣。金。錢。多。矣。今。日。亦。知。中。朝。尚。有。不。受。金。錢。之。人。崇。禎。末。李。

賊破大同。盡殘王家。以王甲去。坐王地而攻彰義門。

論曰。相傳代王桂母邳人。田家太祖嘗戰敗。憇母一近
母。苗敵梳為識。已而生桂。及上即位。奉桂與梳并獻。上
不令王母入宮。隨王桂養代。按桂建文中奉命視蜀。則
與蜀同母無疑。且桂母果田家。自宜以原梳告所在。得
上聞。無抱桂與梳。遽敲宮門者。且不聞其氏何氏。碩谷
代性頗悖。似一母之子。而蜀椿文約。豈惠蹠之間歟。世
傲而錕。孝鑊。忠未已也。慢孝而柵。忠充灼。願八鹵。王自
焚矣。

肅莊王棟

肅莊王棟、高皇帝第十四子、母卞氏、初封漢、改封肅、國耳
州、建文元年、內徙蘭縣、薨、庶長子康、王瞻、焯、嗣、正統元年、
王言、耳州舊邸、改都司、而先王墳園尚在、乞留、近、卽、林、木、
許、之、又、請、加、祿、不、許、天、順、中、責、府、中、馬、倫、邊、與、王、焯、直、不、
受、強、直、之、罔、出、善、馬、五、百、上、致、書、褒、美、再、傳、恭、王、貢、錄、以、
汾州王進封、正德中、為諸子請菜戶、不允、世子真、淋、博、雅、
好文、善、為、請、恭、王、支、金、壇、王、真、洵、比、小、人、橫、於、外、事、覺、下、
獄、當、死、越、獄、去、其、子、弼、棗、酌、酒、多、犯、法、洵、初、以、其、無、禮、離、
之、坐、廢、為、庶、人、幽、高、牆、萬、曆、中、肅、王、甲、薨、其、世、子、乙、喪、中、

請襲爵、禮部尚書羅萬化以為藩府與朝廷不同、世子當
行三年喪、世子賂中官、急請之、員外何喬新不奪、世子竟
行三年喪、己而得立、王無子、有營為王浚者、政府為閔說
禮部侍郎王希聖、加持不可竟寢、

論曰、肅之世念先塋、辭馬直、猶有忠孝之遺意歟。然而
徵矣。王無後、自宜為之後。有營為王浚者、不許。則必有
不營而應為王浚者何屬。

伊達公使、（以下文字模糊）
萬曆二十二年、（以下文字模糊）
庚子年、（以下文字模糊）

遼簡王植恭王
寵沒在王致格
妃毛氏光澤王

遼簡王植高皇帝第十五子母韓妃初封衛改封遼國廣
寧廣寧邊國初至樹柵而已已命郭英為治王宮城尋又命
都督楊文為高壯王城門以嚴國三衛盡也田給王祿王
得練簡士馬巡邊上圖西北沿邊地里諭植曰凡軍士也
種地慎無牧放諸王駙馬往來營駐練習防胡慎守此圖
勿失植諳兵事屢樹奇功建文中坐罪奪祿燕王兵起渡
海來歸嗣有翼衛燕王功王即位改封王自請荊州別給
一護衛而故三護衛留防邊在位四十年子貴哈嗣不友
於諸弟待庶母寡恩奸郡主搯死長史述居國多過正統

元年府臣乞加祿上曰初簡王得罪朝廷特加原貸削其儀衛止與較尉三百人洪熙中加祿實支二千石宣廟中又與旗軍三百人久之巡撫吳政蕞王所為坐屢守簡圍而政猶以言恰奸狀不盡坐謂官再傳靖王彥盤為其世子恩鏞卒請以妻妾殉葬憲宗下書豈不聞先帝顧命何戾也不許子惠王恩緒嗣鏞散宗祿松滋府將軍思鏞等率羣小闖入府復聽儀賓鐔朋奸固利王鏞祭之得寶幽鏞鳳陽羣小坐戍百餘人方送戍鏞陰使人挾刑具中道搯死八十餘人不數日王長子無疾卒歲餘王亦疽發背薨子恭王寵授恭默孝友再傳莊王致格病不事事委政

毛國妃、毛妃通文墨。沈毅有斷。承奉王大用者佐之。府中
嚴肅。妃賢聞天下子庶人。憑燭以句容王進封。燭讀書能
文。肅皇好道。王亦奉道謹。賜號清微忠教真人。又盡予金
印道經。燭好近婦女。至腐鼻。以赫蹄代。準愛騎黑驢。微服
入人舍。戲為禽行。屢炮烙輝矢人。輕辱郡國守相。然實無
反謀。施篤臣者。好氣多計。智監司荊州。初見燭。燭羽衣入
之。篤臣語宦官。吾不見王。而見一羽士。宦官曰。服上賜也。
府中用蔡紅。不中。收蔡紅戶。張文明答之。居正父也。王悅
伶人妻。與生子。召入宮為姬。為其子請爵。伶人異日饗
諸大夫。篤臣與宦者獻諸大夫酒。而伶人亦冠宦者。冠迷

獻。寫臣離席曰。敢問髡而闔何人。王直言寡人所押優。偽
剋之者。諸大夫皆色變。酒數巡。盡起去。久之。聖壽薨。燔假
宮。遙拜。雨甚。拜殿上。故立。諸大夫。雨中良久。諸大夫冠衣
漬出。皆更篤。臣不更也。服歸。舍曰。不更。王有如此。初。王數
數與諸大夫齶。齶燔。隆慶二年。巡按御史部光先奏。燔大
罪十三。使刑部侍郎洪朝選。即訊朝選。知燔。虐無他。謀。篤
臣乃詐燔書。餽朝選。而因持之。燔建白。燧曰。訟寃之。燧。篤
臣驚曰。王反矣。胡為燧也。興卒圍王宮。朝選竟報。燔不反
及獄具。廢庶人。幽高墻。除封。時文明子居正方。以大學士
貴。用事。挾愆。怒。噤。朝選不反。燔時。朝選已家居。屬都御史

勞堪羅織朝選、孟死獄中、居正穿父塚、夷入相、獻王墳園、
又久之、居正卒、遼王母訟王寃、天子竟籍居正家、而薦臣
亦卒、無子、簡王十八子支遠、安王貴燮、與弟巴東王貴煊、
上變誣父簡王反、坐削爵、降庶人、守簡園、而惠王支光澤
王甲、博文而謹德、世宗製燕弁以居、賜群臣曰忠靜、王疏
請并賜諸宗冠、賜冠名保和、王積書萬卷、世宗賜堂名曰
博文、名其樓曰慎獨、天啓七年、詔遼藩支庶歸并、惠藩至
其奉祀六廟、祭掃湘陵一節、仍屬遼支庶行事、

論曰、壬午之故、諸王無挺撞燕者、即王植素諳兵事、不
一振、况其他乎、曰、前此奪祿矣、時謀弱宗藩之名、已大

著天下是一。諸王之心是二。諸王之心渡海來歸較大
寧善矣。而中已與朝廷二。與燕一。何俟翼衛之勤遼世
其多不率。獨莊王妃毛氏。以王病不垂簾而國治。更過諸
新王妃從死之烈。至於王卿。法狎有之。夫詭知之。蘇果以
進退士馬乎。匪刑部朝選。故不能反王也。且熾已庶人
王高墻矣。更何深求。而獨惜朝選之益死獄中。死不白。江陵
其猶以殺人。展其孝思者歟。

亦學無子。商王。子。之。夫。並。妻。年。當。楚。與。帝。國。遠。情。宜。也。
安。快。此。無。廷。卒。並。王。年。情。注。律。法。字。黃。辭。出。五。味。而。復。回。
楚。故。無。難。難。思。家。伊。朝。仲。國。廷。卒。以。就。黃。如。味。歸。臣。射。使。

慶靖王梅惡王妃方氏真
錄入叛逆目中

慶靖王梅母余妃高皇帝第十六子封慶陽徙韋州建文
三年移寧夏文皇令歲一至韋州度夏宣德中乞還韋州
不許許歲一往韋州如故事寧夏提兵史昭言梅非法數
事會護衛人告梅閱兵造戎器購天文書王惧歸惡於昭
欲徙國避之英宗為手書慰諭薨子康王秩炏嗣景泰元
年以鹵數入寧夏與其弟安化王秩炆上書乞徙內地不
許又言冕冠以紉製請易紵絲上曰祖製不可易再傳莊
王遠墀以岐陽王嗣三傳恭王真鑿以洛交王嗣弘治中
鹵數入塞發先王墓王薨子台浚嗣正德五年安化王反

沈楷首行君臣禮坐削三護衛之功。沈賄於鎮守太監所。總兵官勦求解。所勦不納。王銜之。會寧夏三指揮欽等。各以事獲罪。潛欲籍王法。謀殺巡撫璠。又為所勦所發。欽等遂誣沈不執璠。乃按沈淫虐。誘致降酋。克人沈內危。奪門欲訟。關璠遮止。沈竟削為庶人。留邸。已又坐殘虐。長子勇橫徙西安。以兩宮徽號。恩詔赦還。與冠帶。三傳憲王伸域。寧夏賊。噶拜反。王妃方氏抱其子師鐸。匿窖自死。靖王六子支安化。王寘鏞。謀反伏誅。鏞秩煇孫也。府寧夏。父遠慢。不及王。卒。母夫人餓死。以殉。王為人狂誕。封長孫時。有相士給之。王大貴。輒喜。偶召衛學生孫景文飲府中。以相士

言私語景文。景文阿王呼萬歲。以樂之。會有女巫王九兒。假降鸚鵡作聲。似呼寘。錯老天子寘。錯乃大喜。蓋有負有異心。寧夏指揮周昂。千戶何錦。初賴景文貸王資。得遷。王遂以昂錦為腹心。而二人亦惟王東西。關瑾擅權。遠近流言。瑾將不利於社稷。瑾遣大理寺少卿周東。往勘寧夏也。田東希瑾意。增賦索逋計。畝。驟資為瑾賂。而守臣又奉行惟謹。敲朴日迫。衛下將卒。憤不堪命。寘錯曰。可用是為名矣。與景文決大計。景文遂邀昂錦等飲其家。語指揮丁廣。王夙有奇徵。天下事。寧可知。衆許諾。歃血定盟。會有鹵警。總兵官檄昂簡銳卒為牙兵。必一以當百。昂選甲士申居。

敬等六十人與深結。四月之五日，寘鏞乃置酒大會文武。伏居敬等府中，酒酣起，輒殺太監趙弼，搃兵官姜漢。時都御史安惟學、少卿周東未至，走行臺殺之，放獄囚，焚官府，劫庫藏，窮索慶諸王將軍以下金帛萬計，大享將士。寘鏞借大號，偽署都指揮何錦為討賊大將軍，都指揮周昂指揮丁廣為左右副將軍，張欽為先鋒將軍，魏鎮等七人為都護，朱霞等十二人為總兵官，推景文為軍師，傳檄布告。言太監劉瑾蠱惑朝廷，變亂祖法，屏棄忠良，收集兇狡，阻塞言路，括歛民財，籍沒公卿，封拜侯伯，數興大獄，羅織無辜，散遣官校，脅持遠近。張絲、劉機、曹雄、毛倫、文臣、武將內

外交結。意謀不軌。今特舉義兵。清除君側。凡我同心。並宜響應。檄副總兵楊英。遊擊將軍仇鉞。於郭外。使各以兵來會。英聞變。兵潰。單騎走靈州。而鉞姑引兵入城。真鍤盡奪其軍。鉞遂稱劇病。私第。諸謝不聞。已而英同都指揮韓斌。延安副總兵侯勛。遊擊將軍時源。各率兵屯河上。令都指揮孫隆。盡捲河上官民船泊東岸。守之。逆黨無船。不能東。鉞知王中內危。故令偵騎詣報官。兵往塞橫城堡。且覘渡口。意懼。問計。鉞曰。宜遣驍將領兵往塞橫城堡。且覘渡口。意實以單真鍤也。於是。何錦。丁廣。率都指揮鄭卿等三千精騎出。鉞私喜。昂一人易辦。復令人詭傳總兵曹雄。今且決。

河灌城上中洵洵慮旦暮不保皆噴怨始事昂錦等寘錯
令昂省鉞疾鉞故堅臥呻吟須昂深入室伏發終昂鉞起
披甲梳刃執昂首號令城中收故部壯士楊真等疾馳寘
錯府縛景文等殺之并殺朱霞等十二人擒寘錯及其子
台潛蓋寘錯舉事僅十八日而敗遣古與兒密告鄭知令
反正卿遂殺魏鎮等七人錦廣走追擒之賀蘭山外時上
已命太監張永都御史楊一清帥師往討未至亂平永械
寘錯還京頸繫諸王館與錦廣伏誅弟寘銳寘鶴坐黨廢
為庶人將軍肅材亦論死旌死事都指揮楊忠李睿及百
戶張欽火之有僧大千和尚者以富陵同類同類毆和尚

和尚憤曰。我皇帝家人也。眾異其言。聞於朝。逮至京。下刑部鞠。和尚曰。我安化府舊材也。眾不能辯。安化宮人左寶瓶。在浣衣局。召驗和尚寶瓶。一見此舊材。殿下矣。免死。送高墻。蓋當時死者非舊材也。莊王二子支輩昌。王寘釧。以罪廢庶人。釧子台清。先卒。釧虐其妻。生二女。馮。台浚。既廢。釧視其府事。裁浚宮眷薪祿。取其庫中金帛萬計。浚二子。萬橫。萬枋。幼。釧愛枋。惡橫。因造浚謀逆之謠。使寺人誘橫。口熟之。常吟於府中。欲圖陷浚。為豐林王台瀚所發。釧坐廢。幽高墻。賜台清妻死。庶人其二女。

論曰。王構國遼。閱兵治戎。何足罪。而安化寘錯。則以好

諛為鸚鵡口中天子所走檄逆殲誠使人髮指獨氣輕
不能耐與寧濠並先發先發罪不赦矣而使豹房晏駕
之後起與濠爭南北互讎或一得之方以為社稷大勲勞
乃汲汲大難競不奉正德二字乎軍師孫景佳文能作
好語悅鑄如劉養正之觀天但隔數度誤以安陸為南
昌也國初沔陽砦下鳥言似陳皇帝而友諒以黃蓮漁
子起鳥言故真而鸚鵡則何不從口授偽為之若宸
濠之惡鴉鳴及黃石砦之呼是誠以讖敗矣當從鸚
鵡口中正言之曰真鑄老庶人

寧獻王權

寧獻王權高皇帝第十七子。性機警，多能，尤好道術。太祖嘗曰：是兒有仙分，積有大志。封大寧。大寧在喜峯關外。洪武初，設北平行都司，大寧城中。東連遼東，西接宣府，為巨鎮。文皇時，封北平，每歲秋九月，會廣寧、遼王及寧王、宣府、谷王、大同、代王、太原、晉王、西安、秦王、常州、慶王、甘肅王，出塞捕鹵，名肅清沙漠。以故九王皆有重兵，而王權統塞上城九十，帶甲八萬，革車六千。燕王初起兵，以又慮王權扼其後，則嘆曰：安得有大大寧兵，斷遼東，助我以諸曩哉。時中朝恐權與燕王合，使人召權，權不至，坐削三護衛，而

李景隆來攻燕。燕王為書通權，請得一至寧府中。若謂窮
蹙不能戰，求王草表請解者，及倍道趨大寧，兵不得入。燕
王單騎見權，執手大慟，須臾表急。權為草表，既款洽，數日不
為備。北平諸親密吏士稍上，得入城，遂命陰結諸口外酋
長及思歸之士，皆喜暗定約。燕王乃辭歸，權出餞郊，伏起
挾權擁入閤，諸戍卒一呼皆集，守將朱鑑拒命，戰沒。長史
石撰被執，不屈。支解之。總兵劉貞間避，逃京師，行軍都督
陳亨以下皆降燕。權宮眷貨寶皆入北平。於是燕兵益強。
而權亦時時為燕草檄傳諭。燕王謂權曰：事成，分天下半。
王信之。初，軍中啓事，設二榻，及燕王得國，竝登城樓上，設

一、榻權悔從燕。佯風疾止江口不入朝。賀已乞改內封。最
蕪州卽否。杭州上皆不可。與書曰。蕪圻內地。五弟初封錢
唐。皇考以爲不可。改開封建文無道。封其弟允璉爲吳王。
竟不克享。今建寧。荊州。重慶。東昌。皆善地。惟王自擇。權得
書。不能無望。出飛旗命。有司治馳道。欲有所之上。大怒。權
不自安。屏從兵從五六老中官。赴南昌。揮手曰。讓四兄弟
往。覓許旌陽矣。至則稱病。卧城樓不起。上不得已。卽藩司
爲府。改封權南昌。減其護衛。祿米儀仗之半。權嘗詣鐵樹
宮。得真人遺戒。有終須不到頭之句。爲不怡者久之。上使
祭酒胡儼往祭之。權口占京中柴米近如何。儼應聲曰。但

聞天子聖恩多。語似警諭。上與書嚴戒。權稍斂。戒覆殿。甌用瓦而已。不琉璃。而構精廬一區。蒔花竹。鼓琴讀書。其間用終文皇之世。仁宗即位。權言。江西非其封國。請改封。不許。宣德中。以大父行。復恣橫。請於封內。選子女。上既不。可。又重違其意。賜女嬪八十四人。王令省中官服朝服。用天子儀仗。賀王元旦。長至。千秋。節。習儀鐵樹觀。副使石璞聞於朝。罪其長史王堅。朝議定。宗室將軍祿米。視品。王抗言。宗室安得有品。詞不遜。上與書。將軍都尉有品。祖制也。王不得棄祖訓。肆頌說。與憲具存。己入乞灌城田。不許。他日。求鐵笛焉。上曰。笛。滌也。王意。滌。邪。與之。權白哲。羨髯。負

氣好奇嗜學博古自其齠齔時自稱大明奇士老號癯仙
弘獎風雅高帝時奉敕輯通鑑博論三篇他又作家訓國
範垂示子孫所論著旁及卜筮脩煉琴奕諸書手製博山
爐及古瓦硯皆極精緻凡王五十八年薨子般斌孝友仁
厚不及王追封慧王而孫靖王真培嗣敏學贍才致恣睢
罔利天順二年與布政使崔恭交訐坐奪護衛成化中石
城王真堵言王培焚燬祖父有出宮人二屍不修祖廟公
姑子婦同案奉安於齋宮迫死郡主使女四人被勒賣子
康王觀鈞生宸濠是為寧庶人庶人康王之庶長子也母
馮針兒故為娼將生濠祖靖王夢蛇啖其室旦鷓鳴惡焉

曰舉子邪。溺之。庶人母易庶人。以他女。从之。詭言王他姬
生男。見庶人於王。庶人輕佻。好美。驚害多智。術士李自焚。
妄言濠骨相貴無極。濠善之。頗能飾以儒雅。海內諸負有
才望。王輒禮下之。浮相慕。為名高。長洲陸完。為江西按察
使。濠深與結納。會南昌。致仕都御史李士實。以詩翰重一
時。濠引其子為儀賓。嘗曰。公吾子房也。士寔為畫築。厚金
帛。入結。權責人。使日夜譽王太后。及上前。且曰。上固壯好
遊。近婦人。酒酒。諸非所以長生。王從取大位。不過一宦官
力耳。濠大悅。安福舉人劉養正。偽談道學。自以識天文象
緯。濠資致之。與論宋時陳橋之變。心動。時有帝星見於楚

越之分。蓋世廟以興。養正誤以當濠。於是濠冀非翌日。至
初。寧藩護衛已革。景泰中。濠賂瑾復之。瑾誅。復革。時陸完
入掌兵部。濠故好通於伶人。臧賢盡賂錢事。諸權要請復
護衛。完為覆疏。內閣楊廷和特報可。濠既復護衛。僭稱侍
衛。文牒下撫按三司。稱國玉術士。李日芳言城東南有天
子氣。乃建陽春書院。僭號離宮。諸拜賀。欲命撫臣以下皆
朝服。獨巡撫俞諫論三司不可。又欲廣拓府居。布政使張
嶺啓以非制。乃已。擅殺都指揮戴宣。逐布政使鄭岳。御史
范輅。幽知府鄭瓌。宋以方盡奪諸附王府民廬。於是按察
副使胡世寧露草上。陳以濠逆形。且見乞溫詔誠諭。濠反

抗論世寧斬罪十、而宦寧等先入濠賂、坐世寧妖言離間、
逮下詔獄、戒死戍邊、濠自是益無忌、招納亡命財虜、暗通
狼兵洞蠻、入廣多市革張造甲、作器械、後園益養鷺鴨、以
亂椎擊之聲、凡有求不得、必使盜屠其家、佃戶增菁不出
額外稅、殺其家、至百餘人、火其室、官府捕盜繫之、輒竄去、
布置船馬、偵上動靜、旬日一報、而上好巡遊、東宮以虛、因
大賂諸權倖、欲徵其世子大哥者、入司香太廟、覬萬一、而
朱寧業已陰主之、閣臣梁儲正色厲聲曰、皇上春秋鼎盛、
建儲未易輕言、事乃寢、錢寧言上、用異色龍箋、加金報賜、
異色龍箋者、故事所賜監國書箋也、濠得之大喜、列牙矣、

賀命其國僚衣緋四十餘日。已而府典寶閻順內官陳宣
劉良以濠陰事上變。告濠疑出。承奉周儀、臧儀家殺典仗
查武而下數百人。風諸生臚頌王賢孝。邀撫巡奏保。冀以
飾前過。上閱奏驚曰：保官上。陛保王欲何為乎？太監張忠
初附江彬，與寧等不合，發其交通事。詔索逐王府人，毋留
闕下。寧卒，華、匪賢所賈家故重，輟屏厨鑰，開後達巷。華從
厨後亡去。會南昌御史儀出入張銳所，言濠反狀。悉銳因
授意御史蕭淮，首倡諸言官論濠包藏禍心。交通官校
急逮治其黨。石曼不可制，而江西巡撫孫燧已。七疏論濠
必反。時廷和大懼，以初復濠護衛故，恐相及，言上敕逮駙

馬都尉崔元等往諭濠，俾上還護衛。濠大驚，以為舊制，批宮眷例遣國親臣。遂謀於養正。養正曰：事急且起，士實曰：即未可輕舉。濠曰：縣官固發之矣。初，濠徒幸宮車晏駕為伺便，或上幸江南，猝犯駕，不欲預張叛逆名。至是不得已。六月丙子，會鎮巡三司官以濠誕，次日入謝宴。濠立露臺，大言高皇帝不血食十四年於茲矣。孝宗無子，誤子民間。子以莒滅鄭，豈義也哉。太后有密旨召監國崔駟馬奉勅。且至，時都御史孫燧副使許達抗濠，罵不屈。濠縛國門外殺之。參議黃宏促鐐絕脰。戶部主事馬思聰發憤不食，皆死。濠遂自立為皇帝，募兵反。以李士實為太師，劉養正為

國師、泰政王綸為兵部尚書、泰贊軍務、太監劉吉為提督、
鄱陽賊首凌十一、閻廿四、吳十三等、分署為都指揮使、傳
檄四方、削正德年號、止稱大明、己卯之歲、指斥朝廷、謂建
寺禁內、雜處妓女、胡僧翫美、造兵身衣、異衣至於市井、屠
販下流、賤品之事、靡不身試、棄置宗社、陵寢、造行宮於宣
府、稱為家裏贖貨、亡厭荒遊、失度、東至永平、諸處西遊山
陝三邊、所過掠民、嬖女索取贖錢、常懸都太監牙牌、稱威
武大將軍、奪馬指揮妻、稱馬皇后、納山西娼、嬖稱劉娘、娘
云云、走人奄畢、真反、杭州為應、而遣王春等發旁郡諸賊、
相助、械故所忤瑞州知府宋以方、令軍前、以方乘間負械、

沉水死。是時都御史王守仁方奉命入閩。聞濠變。乃留吉安。遂以濠偽檄上聞。諸大臣驚懼。顧莫敢訟言剪滅之。兵部尚書王瓊獨抗言。王伯安在南贛。據南昌。上游旦夕了之矣。濠是時急欲突取金陵。據形勝。擬元順德布詔臨四方。守仁與吉安太守伍文定計。偽布檄。以誤濠。出使南京。預為固。而身吉安行募兵。濠易吉安兵未即集。先遣偏師。涂欽等破南康。下九江。踰十五日。乃使宜春王拱樛典寶。萬銳等以萬人守南昌。身率衆六萬。號十萬。分為五哨。妃嫔世子咸登舟。從兵北向。過安慶。安慶人登城罵濠。督攻城急。不即下。僉事潘鵬者。從濠在軍。故安慶人遠家丁。

潛書入城誘降守將楊銳大罵鵬斬持鵬書者投城下以
徇而太守張文錦則盡殺鵬家屬使鵬聞之鵬痛哭退濠
氣大沮圍安慶二十日守仁兵已集語文定曰兵法有攻
所必救者莫如疾走南昌於是遣榜諭城中兵入閉戶自
守毋助亂毋恐畏逃匿賊有聞之先遁者矣是日五鼓兵
薄城下城門不開入擒拱條萬銳及其子三哥四哥宮中
自焚濠聞南昌潰大怖便欲歸援士寔曰即歸無救南昌
今乘南京無備往襲之倘得自奮而濠初得守仁間書疑
士實與守仁合遂不聽還次鄱陽湖守仁督列郡兵出邊
之下設伏要路時濠軍樵舍伍文定前搏指揮余思繼之

贛州知府邢珣統其外為聲。兵既接，文定思等佯敗。濠追之，邢珣以精兵橫擊，斷濠軍為二。而文定等還突，袁州知府徐璉、臨江知府戴德孺亦以兵夾攻，四面伏起，呼噪震天地，擒斬二千餘級。溺者萬數，濠遂大潰。退保黃石磯，問篙工何所，篙工以實對。濠以其音王，失機不祥，怒斬篙工。明日復出，金厲戰盡，發九江南康守城兵以益師。時饒州知府林誠、廣信知府周朝佐、建昌知府周峙各以兵困二城，兵不得發。濠乃孤奮，我兵稍却，守仁手斬，斷後者頭，衆勵大敗。濠軍擒斬二千餘人，濠還保樊舍，諸道兵復大集，焚其二舟。濠抱妻妃而哭，妃赴水死。妃能詩，有春風

並馬之句。時宮嬪皆從死。濠投水。亡淺不得死。萬安知縣
王冕執之。并其世子郡王將軍儀賓及士實養正等數百
人。斬獲三十餘級。溺者約三萬餘。濠見守仁呼曰。王先生
故人。濠願盡削護衛。編庶民。得手。守仁曰。有國法在。濠俯
首不言。已數日。顧守仁且曰。妾妃嘗勸我。幸先生收其屍
塋之。泣下曰。紂用嬖言亡。而濠不用婦言亡。悔何及。後獲
妃屍。守仁果善葬之。濠自舉事之敗。益五十餘日。其始刑
牲祭天。凡折牲覆封。宸晝為九江王。使前驅舟發雷震。濠
死。軍已卜其不終。是時上自稱奉天征討威武大將軍。中
貴張永張忠等皆稱將軍。以大師南下。至良鄉。守仁之捷

至却不受使還至南京以聞車駕至南京忠秦等請再縱
濠鄆陽湖上親遇擒之而後奏凱使張永先行止寧侯而
永為守仁所感受俘歸於是張忠許秦朱暉等以北軍萬
餘再入南昌忠自稱天子十兄弟秦曰我威武副將軍同
官也暉曰我朱姓天子子誣守仁以逆黨伍文定出迎忠
叱縛繫之造飛語怒北軍北軍皆呼守仁名謫罵無忌守
仁曲遇之卒喜班師天子命甲楯弓劍隊俘駕前若為親
征也而秦凱者至通州賜庶人自裁燔屍揚灰諸預謀者
皆繫獄以守仁為真都御史文定按察使邢珣右叅政以
宋以方初備良兵備濠上所徵發抗不應卒死職贈光祿

卿廢子餘論叙有差嘉靖十五年霍丘縣忽得朱學者自
供宿濠第三子驗實送高墻而寧封絕國除其故寧支封
不奪按獻王五子支臨川王盤燁天順中以魘咒為其子
真瑜所告坐廢守鳳陽祖陵真瑜告父亦廢守寧獻王墳
園而惠王五子其支弋陽王奠璽故與靖王培有嫌天順
間錦衣指揮遷杲數使校尉察事中外校尉妄言王璽蒸
其母遣官即訊靖王以故嫌不為辯上賜母子自盡梟尸
出焚雷兩大作頃刻平地水深數尺父老驚愕以為冤爭
歸罪杲不知王培之為之也靖王三子其支鍾陵王觀錐
弘治中自陳駉勇善騎射願備將帥身報國兵部尚書馬

文井奏弓馬騎射。非宗籙所宜。幸自愛讀書。近儒生上可
其奏。卒為宸濠所陷。除封。又建安王覲鍊。講名理。庶人濠
叔父也。庶人數召鍊。隅坐而與之言。王與庶人言樂。屢遷
其坐前。他日。庶人鉞坐而召鍊言樂。前不得。他日又召之
鍊曰。王席之根深。請辭。庶人反。鍊不及於禍。弋陽鎮國將
軍多煌。恂謹孝女。雅尚文藝。遠邇來從。子謀。杜等竝嫻詞
藻。其家以精鐵。胃閩賓客。延還鐵為之。豁臨絕。命其子以
白憤鶴。斃。歿。門人子弟私謚曰清敏。奉國將軍拱。枋。拱。樞。
並瑞昌王後。父曰宸渠。坐濠事。逮繫中都。拱。枋。請以身代。
兄弟咸好儒術。而拱。樞。尤辯博。數上書言事。世宗朝子弟

有時名。其支議濞，以恩選崇禎中為句容知縣。乙酉，南都不守，議濞潛出招諸生周鏞，共集亡命三百餘人，戰復句容。已而原鎮將劉良佐北降，奉豫王命來攻城，急議濞力竭，與鏞等棄城走長蕩湖，復聚衆數千。戰不利，南走安吉。孝豐之間，戰又不利。已計呼孝陵衛指揮朱君屯合赴句容，突斬京神策門，破不得入，敗還。議濞單身走閩，敗被執死之。

論曰：大寧帶甲八萬，草車六千，用胡騎襲習徒，試險，扁鍵三十年所矣。彼一土著，猶不易輕棄其鄉，乃欲奉尺一邊釋嚴城九十空手南歸乎？權不應召，中欺恧易亂。

及燕以書偽乞憐。然猶止北平兵不得入郭。志誠亮以
一矣。燕以骨肉不疑。猝劫之。計不能返。顧然後並榻送
事始知燕之初起。倘馳使權開誠。使盡一塞上諸王。燕
心曰。顧不遠南矣。遼坐削祿。猶航海來歸。前此稍加意
遼。豈遠為燕左翼事。急俾合寧共笑燕。此一計也。曰燕
不大而二王名封燕。大而二王不過名封。何必冒不義
大燕而朝廷密議。必以諸王無不黨燕。且問朝廷何以
使諸王無不黨燕。則誠昧于機。徒用率然者。從事以飾
太平。不可況重以嫌隙之故乎。以疑使人。萬無濟也。寧
力足難燕。而合燕是無燕難。且有西燕。移遼則又戒難。

燕○者○之○一○齊○黃○之○曲○成○燕○者○至○矣○宸○濤○之○叛○偽○太○師○士
實○語○濤○今○上○舉○動○非○所○以○長○生○暴○露○不○測○取○大○位○不○過
一○宦○官○事○誠○然○則○宜○貌○為○恭○以○姑○待○之○乃○遽○稱○侍○衛○弔
離○宮○責○朝○服○請○司○香○必○自○露○胡○為○乎○使○濤○遲○兩○期○乃○起
大○言○曰○昔○太○宗○以○孤○露○劫○吾○祖○獻○王○約○曰○事○成○分○天○下
半○寧○出○全○力○共○有○金○陵○輒○負○諾○但○設○一○座○天○下○無○不○知
借○寧○無○寧○安○得○有○燕○天○下○無○不○知○給○寧○既○有○燕○而○遂○無
寧○吾○獻○王○卧○南○昌○非○封○遺○言○後○世○以○鐵○樹○起○吾○從○旌○陽
仙○去○也○今○豹○房○燕○盡○幸○還○吾○寧○一○座○寧○燕○並○外○藩○竝○高
皇○子○燕○獨○座○一○百○二○十○年○所○矣○獨○不○能○踐○太○宗○前○諾○一

日○乎○即○此○時○爭○立○必○獻○王○子○以○材○武○無○如○濠○者○以○結○納○
根○據○亦○無○如○濠○者○天○下○事○未○可○知○也○而○計○不○出○此○雖○然○
安○陸○之○天○不○誤○南○昌○針○兒○安○得○妄○覲○余○門○人○劉○振○麟○
言○其○祖○養○正○與○王○新○建○最○密○事○敗○新○建○曲○縱○之○新○建○之○
不○因○養○正○而○誤○倖○也○觀○新○建○偽○奠○養○正○而○故○為○祭○文○以○
晦○之○益○信○

岷莊王楸

岷莊王楸，高皇帝第十八子，母周妃。初封岷州，改卽雲南。上以國新附，恐勞民，作授亭居王，待時節力，而後興王宮。建文初，削諸王護衛，西平侯沐晟、同王過言於朝，坐廢為庶人。流漳州，永樂初復封，遂與沐晟交惡。上賜書諭楸，召誠晟仍還鎮，未幾驕橫，表不稱臣，且有謾言，收印章殺官吏，激變夷人，沉酒廢禮，上怒，罪其府寮，奪冊寶。又念建文中嘗若囚繫，復與冊寶，降勅戒之。革其三護衛。洪熙中，徙武岡，寄居州治。久之，始建王宮。宣德元年，世子徽廢，與闕赴京，誣奏其弟徽燥，上斬闕，不直燥，遣歸。景泰中，楸乞移。

湖廣善地、不許。在位六十三年。時世子早薨、恭王徽燦以鎮南王嗣。再傳順王音堃、簡王膺鉉。居順王喪、日與羣小飲博、承奉劉忠直諫。鉉碎其首、鎖膳房二旬、卒毆殺之。事聞、并得其奸父妾索賂賄等事。革冠帶、停封。久復與之。厯子靖王彥汰。汰與弟南安王彥泥訐陰事、泥廢為庶人。汰坐荒淫抗擲、幽囚其嫡母、已而焚死。逼迫多官稱臣、亦革爵為庶人。令其世子譽榮扞府事。後為康王。嘉靖中譽榮、辟扞為父乞恩。與汰冠帶、理府事。後以兩宮徽、辟復王。按莊王五子、其支廣通王徽燦、景泰中、家人段文洪者、數以技術進王。言致仕後、軍都事于利賓善相人。利賓為悅。

王言王異相當大貴。利今歲。王妄自負。遂造羈王金寶靈
武欽武二侯銀印。改元玄元。作敕書。分遣文洪及蒙能陳
添等齎印金幣入苗蠻洞。封都廩寨苗首楊文伯為霸武
侯。天桂寨苗首金龍為欽武侯。并以銀牌賜橫嶺洞苗首
吳英頭等。誘致起兵來攻武岡。文伯等不敢受。而文洪等
旋為鎮南王徽燦所執。巡按都御史李實以聞。徵燦京師。
而湖廣總兵官保定伯瑤亦言。陽宗王徽熾與通謀。亦被
徵。時峒苗出護二王。為官軍所擊敗。二王入都。竝廢為庶
人。幽高墻。恭王二子支南渭王音。居永州。長子膺。陰
賊不道。丞王宮人左右。稍不如意。輒箠死。或縛柱射之。警

諸弟、殺庶弟膺鈔母、通其妻趙、王整使鈔別居、以避之、鑑
復誣趙通他人、遣使自縊、圍鈔、上踰垣免、徙永州、守秦閉
幽膺、鑿高墻、宮人所與、悉者皆賜死、再傳彥濱賢、世宗書
名御屏、子譽播、讀書有行誣、湖南饑、有數十人盜王困、王
捐困以活衆、順王六子、其支建昌王膺鋪、以孝聞、充城王
膺錕、凌母擊兄、居父喪、酣飲、禱城隍、不驗、籌其像、燬之、有
忤者、輒剪其髮鬚、坐廢、庶人崇禎元年、岷王甲為較尉、彭
侍聖及善化王長子企鉅等所弑、御史董宗冒訊得其實、
糾前問官、賄庇不問、宗冒坐降、調外官、十六年、楚賊陷武
岡州、岷王見害、

論曰太祖諸王享國最久者周構五十六年。楚植五十
五年。遼植四十年。代桂六十九年。王棟特差于代之六
年。國祚氣厚長視有然也。余又攷二祖造國精神強固
即世廟入繼亦云再造獨神宗之四十八年。豈仁者之
靜果能壽欵。王棟建文中以西平侯一言輒廢坐流其
在永樂時表不稱臣。傲毒更甚。上垂諭而解。繼以降勅
賜書。慘不置。俾得盡其天年。以處岷者。無甚異
鮮。而齊黃不能為。則以弱藩二字膠不能化也。不欲居
殺叔父之名。而不聞及坐焦土。湘宮之罪。安知湘不如
岷。亦可以。六。十三。年。有。國。哉。岷。世。多。傲。徽。燦。晏。觀。結。洞。

彝為用。猶之洞彝之不靖耳矣。祇以地僻南服。耳目遙
疎。易即非義。如嗣王之齊。鉅汰諸支之膺。鑼膺。不
可道也。皆鞭之教也。而尚有康王譽榮之孝。辭攝而為
父乞恩。南渭王彥瀆。與其子譽樞之世德。讀書而活民
以積。是則高皇亮之教也。夫成化中。武岡州劉善初等
奏。吶府所選乳女。害民殊甚。請通行天下各王府。止於
本府。所隸軍校之家。選用。然則王所以生便。不可不教
如此。

谷王穗

谷王穗、太祖第十九子、母郭惠妃、滁陽王女也。生三玉、蜀代及如意、即谷王也。封宣德、即上谷地。建文初、以燕兵起、走還京。四年、守金川門、望見文皇麾蓋、開門迎。及燕王即位、賜王樂七、奏衛士三百、加祿歲三千石、改封長沙。王驕橫、奪民田、侵公稅、殺無罪、輦花石為遊觀、壞民廬舍、以尚書茹瑄、道長沙、不度、謁誣、獄死。大創佛寺、私度僧千人、咒詛縣官、而自祈祝、造戰船弓弩、招匿亡命、習兵法、戰陣、日與都指揮張成、宦者吳智、劉信等謀、偽作讖書、以為讖。有十八云、上我高皇十八子也。陰傳播惑衆、號成曰師尚父。

智信曰國老令公擬製巧燈上獻擇壯士入朝架燈又選壯士習音樂與燈並上乘隙為變長史盧廷綱屢諫不聽誣以誹謗磔殺廷綱指揮彭舍人常每泄王事咸死都督僉事張興因別奏事白狀上不信興過南京啓太子王即有不靖勿以臣不言楄又持讖陰約蜀王為隱語置帶中曰德蒼時不可言桓文之事桓文時不可言德蒼之施欲結蜀為援蜀王切責不聽已而蜀王子崇寧王悅燭得罪父走楄上納燭詭衆曰昔我開金川出建文君建文君今在我宮中指燭也我將舉事為建文君復嗣事且蕪會蜀上變告上立勅楄速還蜀悅燭召楄上不得已就徵上示

以蜀王章。搃伏死罪。朝文臣皆請誅搃。上曰。搃朕弟。與楚
卽蜀。遼寧。潘諸兄弟。議楚王楨等。並議搃違祖訓。不軌踪
跡甚著。大逆無道。罪誅不赦。上曰。諸王奉大義。國法固爾。
吾寧生搃。削搃及二子賦。灼賦煇爵。並為庶人。誅諸通謀
者。而張興以先叢得免。王圖戶自焚死。獨其子賦。煇有後。
論曰。王搃果以賊聞之。誠有子。則何不開金川。時袖錐。
伏地起。猝血濺五步之內。所為桓文之事。或亦倖致。而
衆不屬。萬不能也。即博浪不誤副車。而漢灼趙燧亦斃。
未易抗矣。但如御史連楹之冒馬首。亦誠不負高皇。第
十八孩兒。執搃初柔谷走婦。畏也。擅也。而籌國者誤以。

谷不靡燕而屬以金川之守至九江尋國敗將其震燕
入骨而猶與谷共事吾不知其解矣德自以入燕功過
望称建文君在其官以等燕詘燕覬燕則可若欲希以
應識誰復向開金川者求完讓皇哉吾獨賞德闕戶自
焚之一日其迴念建文君較諸殉建文君者統是不假
然而地下不與也幸借燕以報谷也亦借燕以報景隆

韓憲王

松

昭王

旭

樞

定王

融

燧

襄

陵王

冲

韓憲王松

高皇帝第二子

封開原王

聰明机辯

通古今

恭謹無過

上使通於周秦晉燕齊

六王間以敦友愛

未

之國薨

子恭王冲

燧嗣改封平涼

宣德中請徙江南不許

以其居第隘

為建襄陵

樂平二邸

捐其護衛

三年屯種

境

內無塩

詔令易塩

正統元年

上書陳邊防

上褒答

庶懷王

範

以開城王進封

靖王範

卿以西鄉王進封

惠王徵

針以

高陵王進封

悼王偕

流以廣安王進封

弟康王楷

濞以彰

化王進封

濞有善行

弟子昭王旭

樞以通渭王進封

樞學

問萬忠孝

能詩善書

時推惠於國中

子定王融

燧通文藝

卷之三

韓憲王

松

高皇帝第二子

封開原王

聰明机辯

通古今

晚彈射有才畧。請食鹽食茶。不與。宗人以祿薄。性上凌劫。有司而旭。梔等百五十人。至闕總制尚書。疏聞。榜諭子安。王謨。典嗣。按憲王四子。其支襄陵王冲秋。以孝聞。正統己巳。率師勤王。母八十有一。得危疾。割股作汁。剪鬚和之。契香禱天。母涎下。取嘗之。數日瘳。而王故病氣羸瘁。亦散人。以為誠孝之應。上賜勅獎。成化初。鹵入河套。秋請率子孫及壻從軍。褒詔不許。讀書節儉。為簿輔。冠年七十餘。無疾。考終。子範。址嗣。亦割股愈母病。嘗刻木似秋。時供奉。忌日必哀。未薦新。不敢食。友愛諸弟。賙軍較貧乏。尊其不能舉者。年七十餘。猶北向扶杖拜祝。節處上致書獎諭。自冲秋。

至孫旭撞五世同居孝友作述嘉靖中璽書褒可嗣王融
焚與長樂王融焯慶陽王謨塾率守室二百餘人訐奏定
王奸利並草祿靖王二子其支漢陰王徵鏗疾且草妃父
周恂取他人子為王子既長得封成化中事覺斬恂沒其
家受封男女皆賜死追削王謚降庶人除封惠王七子其
支高平王融烜父行旭柳為鎮國中尉私挾妓外出遊烜
通其妻謀殺柳事覺謫為庶人除封天啓中韓王本鉅助餉
二千五百兩崇禎十六年李賊入陝王本鉅奔國平涼被
執計脫避難湖廣賊張猷忠故部郝永忠者奉王居房山
縣稱尊號定武癸卯房山破不終

論曰王松之傳大約孝友居多如沖秋之五世同居在
王家更難而余尤服其一再請從軍自效其季也王本
鉉奉從軍遺意崛強節西得附唐桂之後即歸令不出
一城曰猶是微子抱器之日也而蓋武庚者又二年

潘簡王模

潘簡王模。趙貴妃生。高皇帝第二十一子。國潞州。模敦靜守禮。宣德中。請闢府基。不可。子康王倍。煇以武鄉王進封。數與州官置酒高會。巡撫朱鑑以聞。上以諸王非時。令萬壽節不得輒會有司飲酒。著為令。子莊王幼。博有賢聲。歷恭王銓。鉦以西陽王進封。憲王胤。穆以靈川王進封。穆秀傑能文。講德修業。子宣王怡。炆好學。工古文詞。妙於聲律。子程。克嗣。克仁孝。効恭于天子。賜棹楔。萬曆中。令甲親王。故絕以將軍。人繼者。眾子不得封。郡王。潘王違例。請輔臣。于慎行力格之。

論曰、溥世本良。

天地外軍人新皇季不將法德五部
子無受降意心平時意子庚子無特將意
自樂之難與別者十餘王却效秋學之古
慈王前王以白胡王也於真王册新以夏川
昔明下出唱唱唱唱唱唱唱今子蘇王以對
環場川言夏西會此樂半盛以國以山嶽王
子遊夏朝小能備和甚不可老泰王計新以夜
樂開王蘇蘇貴地古高登帝第二十一不國地
川蘇蘇

卷之三

安惠王楹

安惠王楹、高皇帝第二十二子、封平涼、無子、國除、草府僚
及樂戶、留典仗校尉百人、守園、洪熙中、封韓恭王冲煇于
平涼、恭王弟襄陵王冲秋、支封在王國中、英宗令官校隸
韓長史、供安王祀、暇日、給襄陵王使令、景泰中、冲秋、遂乞
承祀安王、許之、正德中、冲秋子徵鈐、遂請得樂戶祀安王
而樂平王徵鈺、扶鈐例、亦請樂戶、禮部以非親王、不得有
樂戶、祀安王、故有樂戶、已而韓王融燧、又令長史草祀安
王樂戶、徵鈐、孫旭、撞再請于韓王、王不許、旭撞、疏爭之、制
曰、與樂戶為安王祀、即王故、不得有樂戶。

論曰國初諸王一世無子國除無繼例也。西官較守安國供祀事而以暇給使全於韓府。共為創制。至于韓之分王為安承祀而未嘗為安後。續安封亦屬創制。親王國祀得有樂戶安草。而中秋之日乃始請之為安始請之也。亦屬創制。

平朝卷之... 王和... 人平... 中... 二十... 平... 子... 平...

唐定王極

唐定王極，高皇帝第二十三子，母李賢妃。國南陽，極敏而
幼，子靖王瓊、烜嗣，綜挾有矩矱。八朝五日三召見。妃高氏，
未冊而王薨。妃自經死，追封靖王妃。弟憲王瓊、烜嗣，臨薨，
善誨諸子，為詩求諫。傳莊王芝址，以孝聞，亦被服儒行。子
成王彌錦，以潁川王進封，錦肆力經史，屏几書訓言。諸宗
有飾裘馬，買名姝者，憎之。若晚日與文士觴詠，士大夫道
南陽，無不求見。王錦弘治中，奏朝廷待親藩生齒，致謚親
親至矣。問有患，未敗聞，沒獲美謚，請令勤實用，寓彰瘝。上
嘉尚，徧布諸王。及武宗出游，王作憂國詩八章，以志感。無

嗣愛敬王字溫賢。立為嗣。嘉靖中，溫以賢孝旌。久之，助太廟工，獻黃金六十斤，白金六百斤，賜玉帶，益歲祿二百石。按憲王六子，其支三城王芝堦、通經、著書、精書畫、好禮、有名。弘正間，而新城王芝坦坐炮烙刑，人除封。又承休王芝娘恃母焦愛焦，靖王繼妃莊王繼母也。娘召樂婦入宮戲笑，王址啟母不問，遂伺娘出宮，詰之，娘不遜，詈王，笞王之侍從。母焦怒，王持鉄槌上王門，址閉不敢出。妃弟璟遂與娘誣王址毆罵繼母，意不軌。王址亦奏娘淫亂事。王址坐革爵，尋復之。娘子彌銀，有賢聲。塋之日，帝紼而葬者數千人。又蕩陰王芝堦，個懂好文，不問家事，貧而好施。莊王五

子其支文成王弥鉗。穎哲儉素。善詩賦書隸。盛亭榭。以延
賓客。輔國將軍字決。新野王後。五歲喪明。從師。長畫。掌識
文。宗耳授書。日記數千言。久之。博通群籍。後又精太乙六
壬。道甲諸數學。嘉靖中。陳便宜數十事。著名獻錄。辨疑碑
各一卷。文成王以摩天王目之。子宙松。力舉千斤。好劍術。
慕古節俠。孫碩勳。與勳子龍封。並以文詞號。南陽父子。桎
六傳。端王。薨。孫。聿。鍵。當立。以兩叔欲奪嫡。久之。始得請嗣。
王崇禎九年。南陽飢。賊自成。殘唐邸。張妃。及湘安王。流離
入楚。已而王奏國有母烹其女食之者。其變不小。詔為族
賤。落治兵具。擬禦賊。坐非制。禁高墻。國變出。南都不守。奔

福州羣臣擁立尊稱明年福州敗弟聿鎮奔廣州自立不
終其事在唐附紀

論曰高陽世德靖憲莊敬四王文行卓越而成王彌錦
慕道通經請核宗謚作憂國詩其學更丈夫王芝堉芝
坭彌銀彌鉗：後三傳皆學古樂善好施負賢聲或涉
節俠諸至性不可及至于新將軍宇決幼便失明從師
畫掌通羣書一代儒者無過其博該著書上便宜稱古
今具服紉賊殘南陽屢矣稍：起議勦堵事必引祖制
而以為擅離國守錮之使不得開口言賊女怪乎諸藩
之望賊塵而震也倘流氛之日以太子撫軍而使貧宗

得奮臂敢就行伍且以出身可自致通侯數百年鬱抑
一旦騰擲必有大異尋常者而以体例拘無敢議及此
是為賊盡滅子弟軍彼歷代之以同姓建偉業者豈皆
不足數與

福州府志卷之九 藝文志 詩歌 唐 王 維 山 居 秋 興
東 山 秋 意 滿 蒼 苔 山 色 有无 空 翠 微 清 澗 喧 松 雨
白 雲 澗 水 秋 草 黃 碧 樹 含 露 冷 橫 橋 上 石 梁 斜 照 晚
風 涼 歸 鳥 鳴 林 樾 夕 照 滿 山 色 有无 空 翠 微

○東○山○秋○意○滿○蒼○苔○山○色○有○无○空○翠○微○清○澗○喧○松○雨○

○白○雲○澗○水○秋○草○黃○碧○樹○含○露○冷○橫○橋○上○石○梁○斜○照○晚○

○風○涼○歸○鳥○鳴○林○樾○夕○照○滿○山○色○有○无○空○翠○微

○東○山○秋○意○滿○蒼○苔○山○色○有○无○空○翠○微○清○澗○喧○松○雨○

○白○雲○澗○水○秋○草○黃○碧○樹○含○露○冷○橫○橋○上○石○梁○斜○照○晚○

○風○涼○歸○鳥○鳴○林○樾○夕○照○滿○山○色○有○无○空○翠○微

○東○山○秋○意○滿○蒼○苔○山○色○有○无○空○翠○微○清○澗○喧○松○雨○

○白○雲○澗○水○秋○草○黃○碧○樹○含○露○冷○橫○橋○上○石○梁○斜○照○晚○

○風○涼○歸○鳥○鳴○林○樾○夕○照○滿○山○色○有○无○空○翠○微

○東○山○秋○意○滿○蒼○苔○山○色○有○无○空○翠○微○清○澗○喧○松○雨○

○白○雲○澗○水○秋○草○黃○碧○樹○含○露○冷○橫○橋○上○石○梁○斜○照○晚○

○風○涼○歸○鳥○鳴○林○樾○夕○照○滿○山○色○有○无○空○翠○微

○東○山○秋○意○滿○蒼○苔○山○色○有○无○空○翠○微○清○澗○喧○松○雨○

○白○雲○澗○水○秋○草○黃○碧○樹○含○露○冷○橫○橋○上○石○梁○斜○照○晚○

○風○涼○歸○鳥○鳴○林○樾○夕○照○滿○山○色○有○无○空○翠○微

○東○山○秋○意○滿○蒼○苔○山○色○有○无○空○翠○微○清○澗○喧○松○雨○

○白○雲○澗○水○秋○草○黃○碧○樹○含○露○冷○橫○橋○上○石○梁○斜○照○晚○

○風○涼○歸○鳥○鳴○林○樾○夕○照○滿○山○色○有○无○空○翠○微

○東○山○秋○意○滿○蒼○苔○山○色○有○无○空○翠○微○清○澗○喧○松○雨○

○白○雲○澗○水○秋○草○黃○碧○樹○含○露○冷○橫○橋○上○石○梁○斜○照○晚○

○風○涼○歸○鳥○鳴○林○樾○夕○照○滿○山○色○有○无○空○翠○微

郢靖王棟妃郭氏

郢靖王棟高皇帝第二十四子母劉惠妃國安陸治邸墾
田成之無子國除留內外官校守園供王祀妃郭氏武定
侯英女也痛王早背對鏡寫容付宮人候吾諸女長與之
令識母容而自經從王死

論曰諸王一世妃無殉王者殉王自郭始後世衛王梗
則有妃楊氏

陳世宗皇帝

高曰：世宗一也。世宗與王莽同。王莽與王莽同。世宗與王莽同。世宗與王莽同。

世宗與王莽同。世宗與王莽同。世宗與王莽同。世宗與王莽同。世宗與王莽同。

世宗與王莽同。世宗與王莽同。世宗與王莽同。世宗與王莽同。世宗與王莽同。

世宗與王莽同。世宗與王莽同。世宗與王莽同。世宗與王莽同。世宗與王莽同。

世宗與王莽同。世宗與王莽同。世宗與王莽同。世宗與王莽同。世宗與王莽同。

陳世宗皇帝

伊厲王

定王諱錡

伊厲王。機。高皇帝第二十五子。母萬麗妃。洪武二十一年。生。國河南。歲祿僅二千石。王好武。不能宮居。喜負劍馳馬。有犯轡者。手斬之。血濺王衣。王則好衣其濺血者。平居髡裸。男女裸坐之。薨。子簡王顥。煥嗣。請選宮人不許。令選之。護軍干太子無歡。縱其中官擾民。思太守李驥。操以法誣。驥以他罪上原。驥械治其府中人。睿帝時。上表不恭。被讓。歷悼王諱鉞。定王諱鈺。鈺好學崇禮。居喪過哀。忌日哭泣。終日不食。望闕北首。過廟則趨。民間高年耆宿。禮下之。縉紳士夫。震已延問。思莊王諱淵。弟諱淳。以濟源王嗣。封淳。

以祿薄乞得河南課鈔五萬七千七百貫准祿米八千石
嘉靖八年革諸王請乞稅租田湖伊府課鈔亦在革中
部言非永樂以前欵賜比不听淳讀書好禮事其生母至孝
母沒廬神主殿側者三年十八年帝南巡淳執前者失郊
迎已朝於鄭州蕘子廢人典模嗣模慢而狠持吏短長吏
不如指則旦夕斥去縉紳大夫過河南有經外郊不入朝
者使人迫挽其車辱以非禮以是率從他境出通判甲性
不善事王及去使人伺諸途拔其髭髮盡大遺於其口中
御史乙按河南從北印山外過妄笞之其土之仕于外者
寧以宦不敢歸家守相長吏不能問太守張柱公廉不發

私書。揆使較尉數百人持其事。柱戎門有納伊較尉者。死。揆怒。召優人守府門。為賣亂之戲。伺太守出。俳弄之。奪郡治及學宮地。以廣其宮。郎中陳大壯者。貧居隣王。揆亦求其居。弗與。揆使數十人從大壯。卧起有所食。輒奪之。大壯伶俚市中。適府獄戶開。大壯竄入。與囚同食。數月乃出。揆復使人從大壯如故。大壯竟餓死。其家不得收其屍。揆所為宮。重城層臺。做闕下。錦衣官宣詔陝西。過河南。揆邀之。偽為黃綵。捧入。內稱有密詔。謂得親於天子。或問之曰。詔耳。妄問者死。王撥人妻如至四百餘口。奪民廬舍。至三千餘。誑脅人財。不勝計。晝閉府城。大選民間女十二歲以上。

者七百餘。留其姝麗者九十人。不留者令具金贖。歡惡者
委投圜扉。事聞上。僅草祿三之一。令王堞偕城歸。奪女出
羣。小人付有司。拱自如。禮部教牒促之。河南守相持牒入
拱曰。安用牒。是為我障。守相不得已。自召率墮。其偕城
拱持挺數百人出。卒或墮或壓。多死者。僉事林騰蛟具疏
從都御史以聞。拱毒殺之。訊得實。廢為庶人。禁高墻。除封
論。以他藩為不可道。率中書。或及其府中私人。不爛水
伊自王楬以下。率道路編民。漸於士大夫。衝決官府。則
是朝之持宗律不嚴。似獨嚴伊封。不可解也。王楬子裂
犯轡。王顯煥。縱中官擾民。誣其太守。至於典拱持吏事。

辱縉紳。笞按臣。奪學宮。攘婁女。劫廬舍。挺拒詔令。至拱
捫大壯口。不得食。餓以死。即有一已大于祖訓。豈所在
撫按。忍為僉事。騰蛟之續。言出而鳩隨之。姑息以至。坎
亂。若夫王誕。舒持躬以禮。王訐淳。盧殿有年。絕不似伊
封之遺裔矣。

